

PROCEEDINGS OF THE 13TH & BUDGET SESSION OF THE MIZORAM  
LEGISLATIVE ASSEMBLY HELD AT THE ASSEMBLY HALL FROM THE  
22ND MARCH, 1977 TO 30TH MARCH, 1977.

4th Sitting on the 25th March, 1977 at 10:30 A.M.

P R E S E N T

Pu Vaivenga, Speaker in the Chair, Chief Minister, six Ministers  
and twenty two Members.

B U S I N E S S .

1. Questions.
2. Government Business:

General discussion on the Budget for 1977-78.

SPEAKER: "Khakna te, thinurna te, tauhna te, anna  
te, sawichhiatna te zawng zawng chu  
bansanin awm rawh se, sualna zawng zawng  
nen. Tin, inkhawngaih tawna lainatna  
neinin awm ula, Pathianin Kristaa a dgai-  
dam che u ang bawkin inngaidam tawn  
rawh u." (Ephesi 4:31,32)

Vawina kan tih tur chu Questions a ni  
a, chumi hnuah general discussion chu kan nei ang a. Zawnha  
neituin zawnha 3-na han zawt sela.

PUBLIC HEALTH ENGINEERING DEPARTMENT

Supply of drinking water to the people of Champhai.

\*3: PU LALHLIRA: Mr. Speaker Sir, Will the hon'ble  
Minister i/c Public Health Engineering  
Department be pleased to state -

- (a) Whether drinking water has been supplied to the people  
of Champhai after spending Rs 6.9 lakhs.
- (b) If so, since when ?

SPEAKER: Minister incharge a absent a, tunge chah a nei em lo chhang turin.

Zawhna 4-na kan la leh anga, zawhna neituin han zawt sela.

POWER & ELECTRICITY DEPARTMENT

Post of Operator at Champhai Power House.

PU LALHLIRA: Pu Speaker, ka zawhna 3-na hi a chhangtu tur an awm lova. Amaherawhchu, ka zawhna chhan hi sawi min phalsak mai la thain ka ring. Zawhna 4-na pawh hi (Speaker- A chhangtu tur a awm lova, sawi chi a ni lova, a chhana chhan tur a ni) A nih leh, eng vanga a chhangtu tur awm ta lo ringawt chu engtizia nge ? Sawrkar a awm ta lo tihna em ni ? Ka zawhna 4-na pawh hi a chhangtu awm lovin ka hria, thuhmun reng a ni. Ka zawhna 4-na hi ka han zawt anga, a chhangtu tur an lo awm lo a nih chuan ka sawi ve reng reng ang e. Ka zawhna chhan tlemto tal ka sawi duh a ni.

\*4: Pu Speaker, Will the hon'ble Minister i/c Power & Electricity Department be pleased to state -

(a) Whether Operators have been posted to operate machine at Champhai Power House.

(b) If so, since when ?

(c) If not, why not ?

SPEAKER: Zawhna 4-na zawh a ni a, chhangtu turin han chhang sela.

PU LALHLIRA: Pu Speaker, khawngaihtakin ka zawh chhan hi ka sawi duh ve reng reng a ni. (Speaker: I zawt tawha, a tawk tawh.)  
Ka'n zawh belh leh ang e. (Speaker: Dan a nih loh avangin zawh belh theih a ni lovang.)

PU LALKUNGA: Pu Speaker, Member ten zawhna kan neih tlem tehlu nen hetiang a zawhna chhang tur pawh kan awm loh le! Hei hi House a awm chhung zawnga a thlen vawi khatna a ni. A malpho thlak hle a ni.

PU LALHLIRA: Pu Speaker, Minister incharge a lo kal tawh baw a, a bul atang khan ka zawt nawn leh ang e.

SPEAKER: Zawhna 3-na neituin a zawt tawh a. Tunah chuan Minister a awm tawh baw a, han chhang sela.

PU H.THANSANGA:  
MINISTER. Pu Speaker, ka extension a tha lo a nih ka ring a, ka lo ngaithla reng a, thawm a awm loh avangin ka lo kal lova. Mahsela ka ngaihtha lovin kan zawt a, ka sanaah a pel tawh si a. A ri kha ka Room-ah a lo awm lo reng reng a lo ni a. Chuvang chuan a ni ka lo tlai ni.

Zawhna 3-na, Champhai-ah Rs 6.9 lakhs lai hman tawh hnuah tui in tur pek a ni em? tih a ni a. Hei hi pek a ni. Pek a nih chuan engtik atangin nge tih a ni a. Kum 1975 kum tawp dawn lam khan pek a ni.

PU LALHLIRA : Pu Speaker, zawh belhna kha zawhna 3-naah khan ka'n siam ang e. Tuna Minister zahawm tak chhannaah khan, 'kum 1975 kum tawp dawn lam atang khan Champhai mipui te hnenah tui in tur pek a ni e' tih kha, a dik lova. Mipuite hnenah tui in tur hi pek a ni lova. Amaherachu, an mipui a tlem deuh a nih chuan dikna chin chu a awm mai thei. Kan S.D.O. Office kiangah chauh tui hi pek a ni a, in li in nga erawh chuan an chawi ve phak a. Hei hi tih thata, pek belh an tum tawh lo reng reng em ni? Rs 6.9 lakhs zet senga in li in nga chauh pek a dah reng hi em ni Sawrkarin a tum tih chu ka hre duh a ni.

PU H.THANSANGA:  
MINISTER. Pu Speaker, a Champhai Khaw pum kha a tui dawngtu an ni lo reng a. A chhan chu khi mi Kahrawt Veng Biak In. chhak lampang khi Vawmbal lui atanga lo kal kha a ni a, thal lai tak tak, hemi khawro lai hian tui a tlem a. Chuvangin tui a khat lo hle a. Vengthlang lam tan lo chuan, Vengchhak tan chuan tui a awm zo lova. Chu chu tunah a dinmun chiah chu a ni.

Tin, tawp veng veng tur tih thu kha, tawp veng veng tur chu a ni lova. Amaherawhchu, Scheme hi siam belh tur a ni a. Chumi atan chuan mihring hi kan indaih lo em a, tuna awmsa pawh hi kan tihlei thei lova. Tunah phei chuan PHE hi mal tlat lovin, PWD nen hian tang kawp mai se tiin Chief Engineer-in a posting engemaw vel a buatsaih mek a ni. Chutichuan amalgamate deuh hleka, hemi Headquarters-ah erawh hi chuan PHE Division pakhat hi chuan a ti tho anga, a hranin. Mahsela thingtlangah PWD Division hnuaih emaw Sub. Division hnuaih emaw kan dah dawn a ni. Chuti ngawt lo chuan PHE hian mi kan nei reng reng lova, a tih ngaihna kan hre lova. Chuvangin hna a kal zawk theih kan beisei avangin kawp kan tum ta a ni.

FU K.L.ROCHAMA: Pu Speaker, hemi Champhai Water Supply Scheme chungchang thuah hian pakhat-naah chuan he House hian Commission hial kha din tur kha rawtna ang kha a siam tawh a ni a. Kha kha an din ngei niin hriat a ni a. Khamia a Commission Report a kha engnge ni tunah hian House-ah hian a pharh theih em aw tih ka zawt duh a.

Tin, a pahnhnaah chuan, he Water Supply Scheme hi khawl pawh ni lo, pump pawh ngai lo, gravitation-a lak mai niin a lang a. Hetia Rs 6.9 lakhs lai hmangral thei khawp staff kan lo nei chu a lawmawm viau mai a. Amaherawhchu, khetiang Rs 6.9 lakhs lai hmangral ta cheng a, in li in nga lek chawi tham a lo hawng chu a vanduaithlak hle bawk a. Chuti lo nise ahna te ennge ni ? Rs 6.9 lakhs lai hman ralna hna te chu kan Minister zahawm takin a sawi mai thei em aw ?

FU H.THANSANGA  
MINISTER. Pu Speaker, Commission thu kha, kha kha Chief Engineer a ni a. A indaih loh avangin hun a rawn dil belh a. Chu chu pek belh a ni a. Tunah hian a report Sawrkarin dawn ala ni lo. Chuvangin a report han sawi tur ala awm lo.

He laia Rs 6.9 lakhs lai hman a nih dan hi khilala Kohrawt Veng Biak In bula tuizem, Cement concrete tuizem khi a timan tam tu a ni bawk a, tin, a line a lo ni bawk a. Chung chu a hmanna a ni a, a estimate neuh neuh chu ka hre chiah lova. Chu bak chu a pipe tih em em a awm lova. A lakna hi Vawmbal lui atanga lak a ni a, a tui a tlem hle a, thal lai chuan tlem tak a ni. Chuvangin a pipe awm mahsela a lo hawng tam thei lova, tui a tam theih lohna ber chu a ni. Tunah hian engtingge Champhai Water Supply hi

kan tih ang, a piah zawk, saw mi Hmunhmeltha kawm ami kha kan entira. Mahselangin a lak theih vak lovang an ti a, tui a tlem bawk a, tin, Vengthlang hmawr tak tak lo tan chuan a tih theih bawk lova. A pumpa pump chi nge ni tih chu ngaihtuah ngain ka hre ber, tui nge ni, a vel luipui tih te chu kan en nial nual a. A Scheme a chu thar thawh deuh hleka, Champhai chawm zo tur tak taka ngaihtuah deuh chu ngain a long. Chutilochu gravitation ngawt hi chuan tui a tam tawk lo a ni.

PU LALHLIRA: Pu Speaker, ka'n zawh belh leh lawk ang e. Tuna OHE tui gravitation-a an lak hi Vawmbal Tuikhur a ni lova. Vawmbal Tuikhur chu chawd tura siam a ni a, Vawmbal Tuikhur atangin a lak theih lova. Heta tui chawm chawm Chawiruma tuikhur atanga lak a ni zawk a ni. A hre ber, Vengthlang chin chu chawm thei tur a ni a. Amaherawhchu, a chawm lo a ni. Heta a chawm loh hi Kahrawt chin a ni mai lova, Vengthlang zawng zawng deuhthaw, a mawng bera SDO Quarter-ah chawd a chhuak a, a vel In li In nga chawh an chawd phak ka tih kha a dik a. Chuvangin Sawrkar ka han zawh duh belh taka chu hetiang a tui hnar tha aww si, tin, a gravitation-a chawm theih ni bawk si, Vengthlang china aww zawng zawng mi 3,000 lai ei tur hian a hnarin a daih si a. Engvanga Sawrkar hian pe thei lo nge a nih tih hi ka hre duh a, chu chu ka han zawt leh a ni.

PU H.THANSANGA: Pu Speaker, a tui lakna tam leh tam loh MINISTER. thu hi sawi dan a dang thei a. Thla hmasa lawk khan Vanbawngah ka han kal a, a khaw mi te chuan a khaw pum a chawm thei ang tih an sawi uer hle a. Kan mite kan tira, gravitation-a tih theih turah chuan kil-khawr tak tak pawh mi an tlem hle naa, a thawktu te hi, mahso investigation ti tur chu kan tir zel a. Hei an vak zau viau tawh a, report pawh kan dawng tam tawh a. Chutianga a khaw mi ten tam tawk tak, chawm zo ngei tura an tih hi kan han en tak tak hian thal lai tak, April thla ni lo pawh hian a lo taw lo thin a ni. A Scheme kha a man a tam em em thin a, chumi nen han buk khan tui haw tur nena han ngaihtuah khan, Sawrkar-in a tehna zawnga han ngaihtuah khan a hlawk to thin lova. Chuvangin helai hian keimah ka han kal lai ngein SDO ka hruai a, kan va entir a ni a. Lak leh kan tumna pawh en vek a ni a, an khawtlang hotu pakhat nen an va kal a ni. Chu chu a tih theih loh tiin a rawn sawi nghal a. Mahse Aizawl kan thlang a, thenkhat khan a en tur te khan an en tha lo a ni, a theih a ni tih te chu an rawn ti leh bawk a, a har viau thin a ni. Chuvangin helai hi technical survey tak taka tiha,

inghah ngamna scheme tak tak carry out tur kan nih dawn chuan chutianga tih chu a ngai thin a ni. Chuvangin Champhai pawh khi ngun zawka kan tih a tul awm mange, sawi dan a dang a dang mai si a tiin ka ngaihtuah a, chu chu a awmdan a ni. Kan report dawn dan a inang thin lova.

PU LALKUNGA: - w. . . . . Pu Speaker, Commission kha engtika din nge tih kha ka hre duh a. Tin, Rs 6.9 lakhs hi hman zawh vek a ni a, hman zawh vekna hnathawh rah chu hmun khata tui haw theihna chauh chu em ni? Hmun dangah chet tumna a pawisa tih belh chuang lovin Rs 6.9 lakhs ohnungah hian hmun dangah chet belh theih dan a awm lo vem ni?

PU H. THANSANGA: MINISTER. Pu Speaker, helaiia sense hi an hnathawh nen a in balance nge balance lo tih sawi tur chuan hei hi ka hriat phak bak te pawh a awm a. Tun hnua han hmu ve mai ka ni a, chuvangin hei hi ka sawi thei chiah lo a ni. An hman hi Rs 6.9 lakhs hman zawh vek ni sela tih kha chu, tha tak leh ngun taka en leh loh chuan ka hre bik chiah lova. Chuvang te pawh chu a ni ang Commission te pawh din a ni a, chu chuan a rawn tilang vekin ka ring. Commission report chu dawng phawt ila. Tin, a pakhat chauh tih pawh kha a pipe kan phum darh dan leh a hlat dan te a zir a ni thei a, chu chu a ni ang a.

Tin, Commission din hun kha a kum ka hre chiah lova, engtikahnge ni helai Assembly-a thil sawi a nih kha khami zawh khan an din nghaj mai niin ka hre mai.

PU LALHEIRA: Pu Speaker, zawh belhna ka'n zawt ang e. A tui hnar kha a tirah Technical mi ten an survey lo a ni lova, an survey a, tam tawkin an hria a, a tam reng a, a dik a. A kal theih lohna chhan chu -Champhai L.P. School II Compound-a tui dahna an siam a chim zawh vek vang a ni, siam that leh Sawrkarin an tum leh ta lem lova. Tin, ka han zawh belh duh leh chu, Commission tir ve ta lem chuan Champhai hi vawi khat tal a han hmu tawh reng reng em? ralkhat atanga rin report em ni pek a tum tih hi ka hre duh bawka ni.

PU H.THANSANGA:  
MINISTER.

Pu Speaker, a Commission knathawhdan chu chumi avangin Champhai a han kal rih lo a ni mai thei e, ka hre chiang chiah lova. Engpawhnise chu lai dinhmun chu kan member zahawm takten an hre duh a nih chuan a ranglama han hriatchian, a kal nge kal lo tih te pawh zawha han hriatchian ka'n tum anga. Hemi Session chhung hian a inhrilh leh theihin ka ring.

SPEAKER: Zawnha 4-na.

PU LALHLIRA: Pu Speaker, ka zawnha 4-na ka zawt e.

PU H.THANSANGA:  
MINISTER.

Pu Speaker, hei hi Champhai Power House-ah Operator post dah e ni em ? tih a ni. Hei hi kan dah lova. Dah a nih chuan engtik atangin nge tih a ni a. Hei hi kan dah lova, chhan a ngai lova. Tin, dah lo a nih chuan engvangin nge tih a ni a. Sanction post hi kan la nei lova. Tunah hian a tul hle si a, Sawkarin a post tur kha a ngaihtuah mek a ni.

PU LALHLIRA:

Pu Speaker, Ka'n zawh belh eng e. Ka zawh belh duhna chu Champhai electric eng kan nei ve chu June 28, 1976 atangin a ni. A khawl han enkawltu te nimal duhdanah a in nght a, an mut a chhuah hma deuh leh a thim hma deuh a, an mut a chhuah har deuh leh kan eng rei deuh a. Chutichuan hei kum chanve aia rei kan lo kal tawh a. Amaherawhchu, tunah Minister zahawm tak khan Operator te pawh dah an ni lo ve'a ti a. Ka han zawh duh chu Operator ni lo hian Power House-a Generator te hi an operate phal a ni em ? tih hi hriat ka duh a. Chu lo rengah hmun dang dangah pawh a ni a, engvanga khawl din tawh sia, a thawktu tur hi lo ngaihtuah hauh lo nge ? tih hi ka hre duh bawh a ni.

PU H.THANSANGA:  
MINISTER

Pu Speaker, hei hi Electric Department-ah hian kan harsatna lai tak a ni reng a. Tuna Line-man ho hi license pek tur an ni a. License nei tlak khatiang mi kha kan nei si lova, license nei lo kha chuan a dan tak chuan tih loh tur a ni. Chuvangin mi kan nei si loh avangin Certificate nei lo kha kan han hman ta a ni. Accident thil leh engemaw thulhah pawh a risky hle a. Hman ta lo ila chuan mi kan nei bawh si lova, line ka ti thei dawn bawh si lova, chutiang mai mai chuan helaiyah pawh hian kan kal a ni. Helaiyah pawh hian Operator hman lovin Diesel lam khawih thin pakhet kan dah

ringawt mai a ni, Jugali pakhat nen. Chutiang bawk chuan Kolasib-ah te, Lunglei-ah te pawh a ni a. A khawlin a daih na hmunah pawh Operator kha a duty hun thlak tur an awm loh avangin public mamawh ang kha tunah hian kan ti thei lo a ni. Chuvangin tunah kan harsatna ber chu technical mi kan nei lo hi a ni a. (Assam ta) A.S.E.B te khan hawn an duh a, kan chelh reng thei bik lova, an hlawh kan pe tha thei bik si lova, a scale thar ang khan. Deputation ang khan han tih tak tak dawnin a inhlan chhawn lai khan agreement-ah khatiang kan lo sawi tawh bawk si lova. Chuvangin a chak zual a kha kan hawn tir ta ringawt a ni. Tunah a hnawh khahna tur mi kan nei der si lova, mahse engemaw zawng chuan hma chu kan zauh ang reng si a. Hnathawh kan tum si a, a buai-thlak hle a ni. Tunah pawh vacancy kan nei a, Line-man I te, Line-man II te, Electrician I te, Electrician II te a ni, mi kan nei lo reng reng. Chu chu helaliah pawh hian kan harsatna chu a ni.

**SPEAKER:** Zawnna kan zo ta a. Kan tih leh tur chu General Discussion on the Budget for 1977-78 a ni a. Hmanniah khan Finance Minister-in a rawn present tawh a. Vawiin hi sawihona tura kan tih a ni. Sawi ho kan remti em? Sawiho chu rem tih a ni a, tunah sawi tan ni sela.

**PU LALKUNGA:** Pu Speaker, tlem ka han sawi ve ang e. Hei, Budget General Discussion chu kan nei leh ta a, a lawmawm hle a. Kan pawisa hmuh dan te enin kan hmu tha hle a, ram hmasawmna atan kan hman pawh a rinawm bawk a. Amaherawhchu, heti laiah hian thil sawi duh ka nei a. Kan han en thuak thuak hian Bial thenkhat tlawh lo dei deuh hi kan vanduai deuh zel mai niin a lang a, hu thawh tur han ruahmanah reng reng hian. Tin, a hmun hrehawm te hi kan ngai pawimawh hlel deuh em ni chu aw ti te pawhin a ngaih theih a. Chu chu a Bial neitu tan chuan hrehawm tak a ni a. Zirna lamah te pawh kan inchangkan hleih hle a. Bial thenkhat chuan hna an hmu thei viau a, Sawrkar hna pawh an hmu thei. Thiamna inangah an chetna te a lo sang a, an knowledge te a lo zau a, Bial thenkhat, keini Bial angte chuan thiamna inang rau rauah pawh hmelhriatte an lo nei tlem a. Sawrkar hna pawh an hmu thei mong lo a ni. Tin, leileh tur lo awm leh thil tha lo awm tur angah te pawh tlawh loh ramah a tang a, dik tak chuan kan Sawrkar Official ho pawh hian an tlawh hreh a ni. Hetianga kan kal dawn a nih chuan kan Budget te pawh hi Bial thenkhat tan chuan hlutna a nei lem lo. Thil ruahmanah hian Zoram kan dap kil hlel deuh hlek thinin ka hria. Kan tluang ngai hi hei kum 6-na a ni tawha kan zawh tlut tlut mai a ni. Chuvangin in ngaih pawimawh



tlan deuh a tulip a lang. Bial thenkhatah Sawrkar hnuhma a lang nasa hle a, Bial thenkhatah chuan a lang lem lova. U.T. kan nih hi kan chhavr tlan dan hi a inang tlang lo hle niin a lang a ni. Chuvangin thil hi ngun deuhva kan Sawrkar hian a ngaihtuah ke duh a. Kan ram hmasawndan inruah lohna chungchangah te pawh hian Bial hnuhual deuh ngaihsak hi kan tih tawh tur a ni. Pek tam leh vui an tam mai, kan pe seng tak tak lova, kumtin a hmu ngai hmute pawh an lawm seng chuang tak tak lova, chuvangin sem sem dam dam deuhva a hmu ngai lo te hnenah hian, ke duhdan pheih chuan a bik taka peka, ngaih pawimawh tulip ka hria. He House-ah pawh hian Chhimituipui lama kan thiante an vui thin a, an ang thin a, chungah pawh chuan helaliah sawi kan nei ngai lem lo a ni. Amaherawh-chu, Chhimituipuia pawisa kal zat te kan thlirin leh Publicity Department ten an chhuah te kan hmuhin nasa takin tih hmasawn tumna a awm a. Khawtin deuh thawah thil thar a thlang tih kan hmu a. Chu chu a chiang a. Chutiang a nih lai chuan lehlam chu theihngihlin kan awm a, mi hmasawna zarah hian hmasawn ve ringawt angin kan awm ve ta a, chu chu a mak hle a ni.

Tin, kawngte pawh kan han lai ve bawka, lai chhuah lain Official te an kal duh lova, khua a lo fur a, lei a lo min a, kawngin lai tha lo tih kan hlawh leh a. A hrehawm sutah hian kan taima lova. Tin, kan Minister te pawh hi ke te pawhin zin ula, hmun harsa leh hmun fianrial te pawh tlawh ula, an harsatna te pawh hmuhpui ula kei ka duh a, chutiang chu kan kalhmang a ni. Ram pum hi kan dap kim tulip ka hria. Kumtin pawisa tam tak vote-in ban kan phar a, amaherawhchu a hluhna hi kan in hman tam hleih lutuk niin ka hria.

Tin, nichina ka sawi tak, Sawrkar hnathawhah pawh hian khawilai ami emaw entiran- Kan Bial angah te chuan Malaria a tam ber tih a lang chiang a. Malaria hnathawktu te chu khawii ami emaw khawchhak a mi emaw, hmun dang daih ami emaw, Lizawl bul vek a mi emaw an han appoint a, kha kha a zin leh peih lova, a kal leh peih lova, a hmuna mi thawk ve ngei thein an dil pawha duhsak an hlawh thin lo hi chu kei chu a mak ka ti a ni. Chuvangin a hmuna awma te kha hnathawktuah ruai ila, hlim takin lungawi takin an thawk anga, mipui te pawhin an chhavr hlein ka ring. Mahse chu chu kan theihngihlin tlat a, min bel hnai te, min hmu zingte kan hmuh zinte hi kan hriatah an tang duh viauin ka hria. Chuvangin appointment chungchangah pawh hian khawilai hmun fianrial deuh amiin hna a dil a, hmun fianrial lai deuh a dil a nih chuan pek mai, a examna-ah te sangin titha kher lo mahse chuh chak ve mai, kha kha Sawrkar tan a hlawk zawk a ni,

mipui tan a chhawrawm zawk a ni. Chuvangin a hmun leh a huna zira hnathawh te, pawisa hman te leh thawh tur te thiam zual deuh sela kan Sawrkar hi ka duh a, ka ngen bawk a ni. Chuti a nih loh chuan vuina a tam thei hlein ka ring.

Tin, chulovah nikum Budget Session-a ka sawi, ka ngaih pawimawh em em mai kha, hei Mizorama kan Budget-ah chuan Police Budget hi a tam em em reng a ni. Police State kan ni tih khawp hi a ni a, chuti khawp chuan Police-ah hian pawisa hman hi a tam a ni. Amaherawhchu, hei kan chhawr tak tak em aw, kan tangkaipui tak tak em aw tih hi ngaihtuah leh tur a ni, an service chungchangah hian. Hetiang ringawt maia pawisa pek nghek nghek mai, an hmanna tek tak pawh hi kan zuk chhutpuia, kan hriatpui atan tha hlein ka hria. Training-in an in thawn a, a training phei chu an training ngei ang. Amaherawhchu, training-a an lo chhuak hi Mizoram mipuite tana an service hi hmang tak tak nge, leilen nan an hmang mai mai a. Hmanniah chuan ka Bialah thlalatu te an lo kal a, Identity Card thlalatu te an ni a. Lung phun-ah mi 3 hlawh nei lovin chhawr an tum a, annin Kanghai atangin Lungphun thlengin puak an phur a, chu chu hlawh nei lo an ni dawn tih an hriat khan an duh ta lova, an hawn ruk san a. An mana, an beng, an sawisa neka, chuti chung chuan puak an la phurhtira, hlawh an pe lo bawk a. Chung te tan chuan pawisa pek leh thin hi a hmemhanna awmin ka hre lo.

Nikuma ka sawi tawh ang khan, ka la hrerenga, khawiaia kan I.G.P. ropui taka a kal renga hi ala tawp thei lova, hemi atana Petrol hman hi engzatnge, man-power engzatnge a hman, heti ngawih ngawiha hlau te chu engahnge Mizoramah hian kan la chelha kan la thawhtir reng. Hei hi mipui hmuhah a bo tur niin ka ring. Tin, hetiang mai mai atan hian pawisa sena, ban phar sak pawh hi kei harsa ka ti a ni.

Tin, kan High School Field-ah an la awm lui renga, hei hi engatinge an chhuah theih loh? Hetiang mipui harsatna siama, mipui te min muantu tura kan ngaihten mipui te tana harsatna an siam zel hi an tih tur niin ka ring lo. Chuvangin hetiangho tana pawisa tam tak sen leh thin hi a tulna awm lemin ka hre lo a ni.

Tin, chulo lelah chuan Jail-ah sawn administration a chhe em em a ni, Staff a hun taka kal duh pawh an awm lo. Tin, tang enkawlina chungchangah Medical facility a chhe em em, chu chu Jail lam atanga report a that loh vang nge, engnge ni kan hre lo. Chuvangin sawnglai saw

kan Sawrkar hian en ngun teh se, chik an dawl em ? Jail atan hian pawisa tam tak kan siam a, Sawrkarin a seng a. Amaherawh-chu tang hrehawm tak Tan Ina awmte sawn an chan tur ang, hi an chang em ? Heng te hi kan Sawrkarin theihngihlh lova a en a tulin ka hria.

Tin, P.W.D. lamah hian BRTF nena hna-thawh intawm an nei a, nikum khan ka sawi a, sawlala Shivaji Tilla-a an In sak kha a tha lo ve tiin Budget Session-ah kan sawi a. Kan sawi zawh lawkin thliin a len chhe nghe nghe a. Sawnga an sak a chhia tia kan sawi ngawih ngawih lai khan sak belh tur an la pe ta zel a. Lehlamah chuan In sakah na na na chuan kan Mizo Contractor te tluk hi an awmin ka hre lo. Tin, Mizo te a rate 10%, 20% below-a an tih lain above 10%-in hna agency a tang e tih vangin kan pe a. In sakah chuan kan Mizo Contractor te hi an tha zawk kan ti a ni. Kawnglahiah erawh chuan hmanrua te an ngaha, mite an ngah avangin kawng lai erawh chu PWD ai chuan thaah kan ngai a. Hei pawh hi sum leh pai senna chungchang thu thlenga zuk chhut chuan an tha bik kher lo mai thei. Amaherawhchu, an hna te leh an khawsak dan te a dan deuh avangin chung chu kan zuk sawi tel lova. Kawng siamah erawh chuan kan PWD hian an tluk lo deuh pawh a ni ang e. Mahse In sakah na na na

chuan Mizo te in sak hi, Mizo Contractor te In sak hi a tha zawk a ni. Tuna an In sak pawh hi nikuma ka zawhna kha ka la hrerenga, kan Minister te pawhin kan lo en chieng ang e, an ti a. Thliin a len chhiata, a hlim thlak hnu te khan an en chiang ta em ? tih ka hre duh bawka. Chuvangin thenkhatah hnathawh duh em em an awm lain BRTF-in thawh sen loh an nei reng laia, thawh tur kan pek belh hi kei chu tul lemin ka hre lo.

Tin, anai pawh hian hna an ngah ve bawka, an kawng maintenance tur a tam em em a, heng te pawh hi an maintain hlei thei bik lo niin a lang. Chuvangin keimahni hian kan lo pawh hek leh thin hi kil khat etang chuan tulin ka hre lo. Hei hi kan Sawrkarin a chhinchhiaha, thil dang deuh zawnga a tih tulin ka hria a ni.

Tin, Tui thu hi a buaithlak hle. Tunlai chuan khua a thal tak taka Luite dung pawh han zawh ila, nimin khan khulai Veng pakhat luite dung ka zawh a. Chutah chuan mahni Tuikhur awm te te kha lui dungah chuan an hiat a, kha kha tuikang nghakin naupangte an nilenga, tui a vang hle a ni tih a lang a. Tui kang an nghaka, an tui khur ringawtah khan tui a tam tawka si lova, tin, Sawrkar lamin kan pe hneh bawka si lova. Chutih lai chuan tui leh PHE-ah chuan kumtin Budget tam tak tak a lo thleng a. Amaherawhchu Budget tam tak kan pass lai chuan mipuite hmenah kan tui pek a tam chuang si

lo hi engnge ni ang aw tih kha a ngaihtuah tham hlein ka hria. Pawisa a tam chuan thil tha tam zawk kha pek theih awm tak a ni a. Mahse pawisa tam sia, thil tha kan pek theih chuan si loh chuan engahngemaw kan pek ang le ? an maintain ngaia hi maintain leh sela, chumi atan chuan pawisa pe mai ila. Thil thar mipui te tana kan pek theih chuan si loh chuan awmzia a awm chuang lo a ni.

Tin, Thingtlangah pawh Rural Water Scheme te an han ti a, a hlawhtlinga ram a awm bawk si lo. Staff an indaih lo a nih chuan staff an indaih loh chhung na na na chuan engahnge pawisa hi kan tih tam chhoh zel lem ang ? An thawh tam theih chuan si loh chuan, an thawh chhuna pawh a that chuan si loh chuan engahnge tunhma Assam hun laia kan awm ang khan tui hi Motor-a kan phurha, Motor-a sema mipuite hnenah kan pek mai loh ? tih hi Sawrkarin ngun takin ngaihtuah ve teh se. Tui atana kan pawisa sen hi a tam si a, khung hmuna tui thlitfimna tur vawi tam tak kan zawt tawh a; Estimates Committee te pawhin kan en tawh a. Hmanni lawk, ni 17-a kan lo hawn chhoh chuan hmasawn chuang lovin ala awm a. Hengte hi engtingge kan tih zel dawn ? tih te ngaihtuah tham niin ka hria. Chuvangin tui hi mipui te hnenah a tam thei ang bera kan pek theih dan hi ngaihtuah ila, a pawisa hman thei lo staff kan nei a nih chuan pawisa hman thei lo angin in ngai ila. Development dangah te hian he pawisa hi hman ta zawk ila a dik awm mange aw tih te chu ka ngaihtuah a. Chuvangin mipuite hman tui tam zawk kan pek theih dan tur hi Sawrkarin ngaihtuah sela. Khumi a kawng ngai khu kan rut a, khu-ah ngawt khuan kan kal a. Mahse tui mipuite hman kan pek tam chuan si loh chuan he pawisa hi a tangkaina a tiem hle dawn niin a lang a.

Tin, P.W.D.-ah hian hnathawh tur pawimawh tak tak a awm a. Amaherawhchu, helai hian thil ngaihtuah chik tawh loh kan nei vang nge, a staff ten an daih tawh lo tih hi a hriatthiam a har viauin a lang a. Kawng hi BRTF-in a zawng zawngin an lai thei si lova, EGS ten kan lai a, duh ang tawh a ni lova. Hei Sawhthing phurh man kha a to lutuka, Sawhthingin hlutna a nei lova. Chuvangin Motor lian kal theihna tura kawng tam zawk Mizoram-ah hian kan buatsaih a tul hlein ka hris. Chumi atan chuan PWD te pawh hian hna uar zawka an thawh leh, tin, an thawh chin chin pawh kal theih nghala an siam hi tul hlein ka hria a. Chutilochuan kan thil thlawh chhuah te hian awmzia a nei lova, kan thawh rah te hi a hralna leh a hmanna a awm loh chuan a thawh hah chauh kha kan hlawh a ni leh mai thin a.

Tin, Mizoramah hian kum 6 lai chu. Budget Session kan nei te a. Luidung kawng siam hi kan sawi ri ziah a, a tih theih ngang loh a ni phawt ang a, kan la ti lo reng zel mai a. Heng Khawthlang lamah pheh chuan Motor kawng aiin kan changkan phah zawk e tiin i siam ve teh ang u, i din ang u tiin kumtin ka la rawt a. Amaherawhchu, ngaihsak hi kan hlawh lo tlat mai a, hei hi a theih ngang loh nge ni a, Inland Water Transport-ah tum khat chu, "Tut dung siam nan pawisa min ngaihtuah sak rawh u", tiin ka dil a. Amaherawhchu, lehkhah an rawn kir lehin 'fund kan nei lo' an ti a. Chutiang a nih chuan engahnge Inland Water Transport hi a tulna le, fund nei lo tih ringawt takah chuan le. Chuvangin hengte hi fund an neih a, an hnathawhna tur kan ngaihtuahpui lo a nih chuan abolish ila, technical mi kan mamawh kan ti bawk si a, kawng dangah hmeng ila a tha lawm ni? hnathawk thei lo Sub-Division siam ve ringawt hi engnge a tulna awm? Thil kan siam a nih chuan hnathawh theihna tur fund kan pe bawk tur a ni a, tin, an thawk bawk tur a ni. Kumtin hei hi ka sawi ziah a, a sawi pawh hi a ninawm hle a. Amaherawhchu, kan Sawrkar te hian kan inhmuh sak thin loh avang leh mipui te tawrhna kan inhriatpui loh avangin an theihngihlhih niin ka hre tlat a ni.

He lai hi ngaihtuah ngun a ngain ka hria. Kei chu a tihngaihna awmin ka hre mang lo. Kan Bial-ah te head-load-in Buhfei an la la rei lutuk. Tut dung siam ila, khaw tam tak chu head-load-a lak a ngai lo mai ang. Kum tin kan la sawi a, tin, Bial dang te pawhin an sawi a. Amaherawhchu, tih a awm lem lo va, helai hmunah kan thusawi hi a riral leh mai mai thin avangin hahthlak kan ti a. Chuvangin kan ngui zo te pawh niin a lang. Sawi chak lohna te pawh hian min nang ching chho tawh niin a lang. Thil sawi hian awnzia a neih chuan a sawi hi a chakawm a, a sawi pawh kan tam lem lova, a ngai a ti a, kumtin a hun pangngai, thlasik a lo thleng ang ringawta kan inngaihsak te a nih chuan sawi hi a hlawk lem lo reng a. Amaherawhchu, Member kan nih chhan hi, he House-a kan thusawi te inngaihtla tlanga, tih tur nia kan ngaih kan sawi a. Chu chu Sawrkarin a ngaihtla ang a, a tih tur chu a ti ve tur niawm a ni a. Amaherawhchu, kan in tihsak lem lo a nih chuan sawi pawh hi a sawt lova, zawhna te pawh hi kan siam a, a nihna a nih lem si loh chuan zawhna siam te pawh hi a phurawm leh si lova. Chuvangin he thil ka sawi hi chu tun hi ka sawi tawpna a nih ka ring a, sawi leh tur pawhin hun kan nei leh tawh lovanga, tin, chance pawh kan nei kher lo mai thei bawk a ni.

Amaherawhchu, tun hi chu kan last appeal a ni ang. Hei hi mipuite mamawh, mipuite, kan Bial te aiawha kan sawi hi kan Sawrkar ten min ngaihthlak saka min tih sak hi Member te kan nih vanga min tih sak ni lovin, mipui aiawh te kan nih avanga mipuite tan an tih sak hi a tulin ka hria a ni.

Tin, thingtlangah Sawrkar hnathawk an awm tha duh reng reng lo mai a. A bik takin heng A.O. te an pawimawha, amaherawhchu, an pawimawh angin kan awm tha duh si lova, han in report ila a action lem a awm loh lovang tih a hlauhawm bawk a. Tin, Nurse ho te, Pharmacy te phehi hi chu an awm tha duh lo hle a, mipui hian kan mamawh si a. A report kan han pek pawhin kan pe ngun na laileng a, kei ngei pawhin ka pe ngun tawhin ka hria. Mahse thu lo chhuak hi a awm lova. Thingtlangah hian Sawrkar hnathawk te pawimawh dan hi kan hriatpui tak tak lo nge anmahniah hrim hrim tui lohna a awm tih hi ngaihtuah tham niin ka hria. An tui lo a ni a, Sawrkar hna an thawk peih lova, mipui te rawng an bawl peih lo a nih chuan bang tur pawhin kan ti mai ang a. Amaherawhchu, keimahni lam atang hian an awm that duh loh te kan sawi te hi an hria a, an awm tha duh lo zual em ni tih changte awmin ka hria. Mi an awm that duh loh thu Sawrkarah kan han sawi a, action a awm lem loha, keinin direct-a kan tih theih lem loh kha chuan mi an runlui duh viau a ni. Chuvangin kan Sawrkar hnathawk, mipui rawngbawl te hi an awmna hmunah an awm tur angin awm ve se thain ka hria a.

Tin, ka Bialah a bik takin, Budget General Discussion a nih avanga sawi ka duh chu Lallen Dispensary khu an sawn ngun lutuka, an sawn let leh ngun lutuka, hmanah khan Phailengah sawn a ni a, Lallenah vek an sawn let leh a. Tin, chu chu tunah an lo chhuhsak leh a, engtizia nge ni a ngaihna a vang hle a. Mipui te tan pawh a ngaihne hriat thiam a har hle a. Tin, a nihna tur hmun Sawrkarin dah te lak leta, sawn let hi mipui te tan a beidawnthlaka, chuvangin heng thil te pawh hi hmun ~~fianriala~~ ~~kanawma~~, hmun fianriala cheng tan chungte pawh chu a pawimawh a, a hmun a thu hi a ni ve fova. Chuvangin a mipui tam lam ringawtah te emaw kan inteh hlawn chhung chuan engmah chang lo tur kan ni kumkhua ringawt dawn a ni. Mi tlem mah ila, a ram dinhmun te min en sak kan duh a.

Tin, zirna lamah te pawh khaw tam takah High School te pahnih an neih fer fur lain keini Khaw-thlang lamah chuan Deficit High School tak ngial pawh kan la nei lova, hei hi min ngaihtuahpui kan duh a. Khawchhak angin ni tamna angin naupangte kan tam kher lovang, naupangte an tlem avang ringawta an education kan ngaintnan chuan chu chu dikna a awm lo tihna a lo ni bawk dawn a ni. Chuvangin mamawh anga in enpui leh a tul anga in hriatpui hi kan tih tur niin ka ring a.

Tin, ka han sawi leh duh pawimawh chu, hei kan Sawrkar hnuaiah hian Commission hi a tam tawh hle a. Mahse Commission hi rin aian a hlawhtling duh lo nge ni, a report hriat leh ni avang duh viau a. Chuvangin Member tena kan ngaih pawimawh thila Commission din a nih leh Sawrkarin a ngaih pawimawha Commission din a nih chuan chu chu Sawrkarin a bawhzui dan ngaihtuah chak se ka duh a.

Tun tum Budget chu a tlangpui thuah a lawmawm viau a, amaherawhchu Bial hnufual te a bika tanpui nan hman ni sela. Tin, leilung, leileh tur awm te, terrace hmun tha tur awm te, chungte pawh chu min zawn chhuah sak ve sela, taima deuhin a hmunah min hmuh sak sela. Tin, han report ila, spot verification a ngai an ti a. A spot a kal peih an awm leh bawk si lova. Chuvangin a spota verification a ngai tihringawt pawh hi kal peih loh chuan awmzia a nei lo a. Chuvangin he Budget pawisa tam tak awm hi awmze neia, Bial hnufual te hman ve ka duh a ni.

**PU SANGKHUMA:** Pu Speaker, tun tum kan Budget Session chu a ngu nghuai mai a, sawi chakna nei pawh kan awm zuih lo em maw ni? Inthlannaah kan tla silawng zo hlawm a, kan kun ngawih ngawih hlawm ni te pawhin a lang a. Tlem azawng han sawi ve pawh ka duh a.

Hei, a detail chuan discuss-na hun kan la nei leh tho dawn niin a lang a. Department hran hranah chuan lut lo ila, a tlangpui deuh taka tlem azawng han sawi ka duh a. Vawiina Budget General Discussion kan neih mek te hi zu ngaihtuah chuan a tha tho lph thlak hle thei dawn niawm te pawhin a lang reng a. He kan Budget pass tur hi tute nge kengkawh zui zel ang tih te pawh hi thil Chiang lo tak ni te pawhin a lang thei a. Kan U.T., tuna inthlanna a tling ten tuna kan term ken mek hi a tawp tep tawh bawk si a, pawhsei te a nih loh phei chuan.

Chuvangin tute nge kengkawhzui zel ang tihte pawh a chian tak si loh avangin vawinah kan kalpuidan tur han sawi vak pawh hi a tha the awm lo lek lek pawhin a lang thin a. Amaherawhchu, thil kal tawh atang tein sawi tur tam tak chu kan nei hlawn ang. Sum leh pai tam tak kan hmu leh hi a lawmawm a. Amaherawhchu, kan sawi fo tawh angin, pawisa tam ringawt te hi awmzia a nei tak tak lova. A hmandan kan thiam a tul a, kan ti a. Hman sen loha tam tak tak kir leh ngawt tur chuan tam tak hmuh a tul lova. Tin, awmze nei lova mi rilru tichhe zawng leh engemaw ti mai mai tana sem ral a nih phei chuan hausakna a awm lo hle ang tih te pawh ka ring a.

Tunhma atangin Budget Session-ah Ruling a ni emaw, Ruling lo atang pawhin power centralization hi a tha lova, mipui te tan hnathawk turin harsatna tam tak kan tawh phah thin a ni tih kha kan sawi tam ber thin a ni a. A tha lo ve tia kan sawi tam ber apiang hi kan Ministry hia a ti uar emaw tih turin kan kalpui lawi si a. Heng avangte pawh hi a ni ang, mipui reaction te pawh a lo lang thui ta hlein ka hria. Power kan centralize lutuk avangin hna a thawh chak theih lova, mahni tih tur chinah mawh phurhna in pein hna a thawh tak tak theih lova. Entiran- te ~~reah te te~~ pawh zuk sawi ta ila. Primary School Zirtirtu nau nei aiawh lak turah leh zel pawh Minister thu lo chuan tih vek mai a ni leh zel a. Heng avangte hian a ni, kan power centralize lutuk avang te hian hna chak loh kan tih te hi, a zualpui vailenhlo tih ang maiin kan bei uar sauh sauh zel niin a lang a. Electric supply la lut tur pawhin Minister phalna lo chuan tih a ni zel mai a. Tin, Tender thlengin kan Minister te hi kan E.E. chet tawh a, Tender semtu kan ni emaw kan inti a. Chuvangin kan kaldan hi kan inngaihtuah nguna kan in revise hle te pawh tulin ka hria.

Tin, Session tam tak te pawh kan nei tawh thin a, khangah te pawh khan Bill kan pass ve tawh thin a, engemawzat chu kan pass tawh a ni. Excise Bill te kan ti a, kum 1973 lama kan pass tawh te pawh kha vawinah khawiahnge a awm tak tih ala ni reng mai. Keimahniho Salaries Bill tak ngial pawh kha engnge a awmzia kan hre pha lo, kan pass ve bawk a, tam tak chu kan pass ngei a ni. Mahse he Sawrkarah hian pakhatmah tih hlawhtlinna leh lang chhuak a awm chuang si lo. Beidawn thlak tak Sawrkar zawng ni ngeiin a lang a ni. Theihtawpin kan han discuss a, mipui ten leh kan rama hman ve ngei theih turin kan han ti a, kan pass ve thin a, mahse hihhlawhtlinna kan Assembly-in kan pass tawh



ngei pawh a awm lo hi engnge an thawh, a, engnge kan tih tur, kan tih tur kan hai ta lutuk ta te pawh a ni ang tih ka hlau a.

Tin, Bukfai chungchangah te, nikum lamah te thingtiang hmun tam takan an dawng tha viauin ka hria a, a lawmawm hlein ka hria. Hemi chungchangah erawh chuan mipui ei leh bar ber a ni a, harsatna kan tawk em em thin a. Nikum lam ka'n thlirin kum dang ai chuan lawmawm hlein ka hria. Kuminah te pawh tan lain theihpatawpin bei sela, thal chhung ngeiin ti sela, mipuiten harsatna lutuk leh tamna tawk lova kan in chhawp lawk theih chuan thil lawmawm tak a ni ang tih ka ring a. Fur ruahtui tlak hnua in nawr chung chung a indaih sak theih loh ang te kha awm tawh lo sela. A awm tawh lovang tih pawh ka ring a, beiseina thui tak ka nei a.

Tin, Village Council tam tak te an inhek buai a, a point, an inhekna point kha thiatna tlak a ni em ? ni lo vem tih te ngun taka zuk ngaihtuaha zuk thlir aian an Merger dawn em, dawn lo vem tih kha kan thlirna point lian zawk niin a lang a. Chutiang chu kan rama rorelna kalhmang a lo ni a. Hleih nei Sawrkar kan duh lo mipuiin an tih lain, hleih nei thei ang bera rorel kan tum hi ni awm takin a lang a. Chu chuan mipui a tilawm ngai lovang tih in hre chhuak ve tawhin ka ring a. Chu chu kan kalhmang tur a ni lovang, awmze nei lo tak takin kan dissolve a, keimahni pawhin awmia kan nei bawh lova. Keimahni pawhin Village Council kan dissolve a nih pawhin Session leh hmasa berah House-ah pharh tur tih te a ni a, chungte pawh chu pharh pawh a awm bawh lova, a dissolve a pawh a mumal lova, a dissolve tu te pawh mumal lova hetiang niai nuai hian kan Sawrkar hi kan kal mai mai a, dan leh dun zawm pawh awm lovin, chu chu kan kalhmang a ni.

Tin, thil man te pawh vawlinah chuan Bazarah a to leh ta an ti. Vawksa man te pawh Kg.-ah Rs. 15/- a ni leh ta an ti a, a dik viau mai thei a ni, a dik pawh ka ring. Engvangnge kan tih chuan, kei chuan kan Sawrkar kengkawhtu vang ka ti lo thei lova. Emergency hlip a nih vangte kan han ti a, Emergency kha a tha a ni tia mipui te rilru zuk lak leh tumna atan thil man te hi kan zuk tisang thar leh ta em ni chu aw tih ngaihtuahna min neih thui tir hle a. Thil man lo sang leh ta te hi kan lawm ta zawk emaw ni.

Emergency lai pawh khan thil man kan control-na Dan hi chu DIR bawkin kan control a. Defence of India Rule-in Emergency lai pawhin kan control a, Emergency lai lo pawhin kan control thei tho a ni, thil man te hi. Emergency a nih vang chauha DIR te hi hmang thei kan nih chuan Congress Sawrkarna nuaiiah chotuan atan Emergency hi puan a ngai dawn niin ka hria. Amaherawhchu he kan Dan-dinglai India rama hman tura siam hi, Emergency a ni emaw, ni lo emaw mipui tana thatna tur duh kan nih chuan hmang ila, thil man te pawh hi i control ang u hmiang a tih ve theih tho a ni. Chuvangin chhuanlam zawnga mipui te riru lakna tur a ngai si a, mipui te harsatna siam tuntu Sawrkar kan ni ang tih chu ka hlau viau a ni.

Tin, Thlawhbawh hi kan buaipui lo thei lova, thingtlanga kan Lo neitu tam tak harsatna an tawh. Vangin Grouping Centre-ah an awm thei lova, an ei zawnga atan Grouping Centre-a awm chu thil harsa lutuk a ni tih chu kan hriatpui a, Thlawhbawkah an kal hlawn a ni. Chutiang a nih chuan ngaihsak zuina a awm lawm ni tiin wawi tam tak rawtna kan siam tawh thin a. Kum 1973 kha niin ka hria, keimah ngeiin he House-ah hian Resolution ka siam a, min pass pui tawh a. Chumi en zui tur chuan Village planning khaw hmun siam leh turin Re-settlement Committee kan siam a, kan Dy. Minister te Chairman an ni a. Kum 1973 ami tawh waviin thlengin a Scheme tak ngial pawh Delhi tlanga kan la theh thla thei lo a nih chuan beidawn thlak tak niin ka hria, kha Scheme a tal kha chu kum khat emaw, kum chanve chhung emaw pawhin tih tak tak leh ngaihtuahna hmengin mipuite hmangaihna neilin buatsaihin theh thlak tawh chu ni sela thu dang a ni. Kum thum kum li hnuah pawh a scheme pawisa dilna tur tak ngial pawh kan peih thei si lova, Delhi tlanga dilna tur pawh kan la thlen thei si lova. Kan zin kualnaah amahni hmangaih ang bera insawia, Campaign-naa thu hla bera hmang ang reng siin, khaw nghetah kan siam ang che u tiin mipuite chawh chawh leh zan hi kan duhtawh vel niin a lang a ni. Chutiang chu mipui te pawh hian waviin hian an hrethiam chhuak ve ta niin a lang a ni.

Dik takin sum leh pai kan han deh sawh dan te pawh waviinah chuan tam tak kan han pass leh anga, lehlan zawnga zuk ngaihtuah chuan awmia a neih lehle thin avang hian a Bu puma zut pawrh pawrha, a tha lai apiang malsawm rawh se tia pass mai te pawh zuk duh rum rum chang ka nei a. Mahsela han sawi duh kan neih avangin han sawi loh theih loh chu a ni bawh si lova.

Development atana thil tam tak tak kan buatsaih, kan Sawrkarin Scheme leh engkim alo neih tawhsa te, Dry Terrace te uar tur kan ti a, mipui te kan zirtir a, Work Order te kan pe chhuak a, hna te kan thawhtir chum chum a. Amaherawhchu, an dry tihhlawhtlin nana Work Order an an hmuh tawh hnu pawha an pawisa hmuh leh tur a te pawh kha engtiangin nge keini kan Sawrkar hian kan hman ral tak? Mi rilru leh duhthlanna lei tumin leh leina atan hman tum ang hrimin khatiang pawisa kha pawt khawp-in thingtlangah Campaign-naah kan sem dur dur a, thang kan kam a, awhtir kan tum a, lehlamah Development ei kan hmuh nan kan ti a, hnathawktu zawng zawng ten pawisa lak tur an nei lawi tawh si lova, kan thangkam kha vawiin-ah chuan mipui te pawhin an lo bre chhuak tawha, a tawktarh an chuka, an awk duh tawh si lova, a kamtu te kha kam leh zarah thla khim burin kan awk ta hlawn niin a lang a ni. Chuvangin kan kalhmang hi kan in chhui chian a tul, keimahni kan in thlir let pawh a tul, tam tak vawina Session-naa mipuite tana tih tur kan sawi thin kha tih lovin Pu Lalkunga ngei pawh khan a rawn sawi chhuak a. Ngaihsakna a awm lo, chutiang Sawrkarna kal zel chu hlawhtlin a har hle a ni.

Tin, Power te pawh kan sawi kan sawi thin a, Mizoram kan mamawh kan ti a. 66 KV Line a lo thleng dawn tawh kan ti a, a lo thleng dawn tawh hian hun a ral tam tawh em em a. Khawl lian zawk kan chah chhuak kan ti a, Mizoram hian khawl lian hi kan ngeih lo nite pawhin a lang a. Radio-ah khawl lian zawk kan tih leh a chiang lo tulh tulh emaw tih tur a ni. Power-ah lah khawl lian zawk kan chah chhuah leh a mumal lo tulh tulh mai. Chuvangin kan kal danah hian kan khawl chah chhuah te pawh kan tih tira te pawh hi engangin- nge Session hmasah pawh khon kan sawi a, hotianga kan tih tir leh chuan a hmasa pawh khan Khawl chhia an supply tawh a, kan tha chuang lovang tiin Ruling lama Member tam tak pawh an ang chhuak a. Kan Minister incharge chuan ka ti tawh laklawh ka ti tlang the dawn, a chhan chu duh leh in lamah min rawn zawt mai r'u tih te kha chhanna a ni mai a ni. Chuvang chuan pawisa tam tak sengin Khawl thar lian te pawh kan han lei a, ala mumal leh ta chuang lo a nih hi. Kan Sawrkar te pawh hi zuk in chhut zui vak phei zawng a hrehawmna chinna zawng a awm, amaherawhchu sawi tur a tam thin em a ni.

Hei Police leh Home Guard chungchangah te pawh Armed nen Home Guard te kan duty tir a, an nun pawh thui takah a him lohna lai a awm thei ang, Armed nena duty ta na na na chu. Amaherawhchu, lehlamah lo thi palhin,

harsatna lo tawk palh ta ang sela, enganginngae ruahmanna kan siam ? Daily labour ang lek fangin vawiin te chuan kan enkawl niin alang a. Kan Police leh Home Guard te hi mi pangngai enkawlin, mi tak tak angin kan Sawrkar hian enkawl sela, cheibawl sela, an ration chungchangah pawh harsatna tam tak an tawk a ni. An ration dawn te pawh mumal lo takin kan chawk let vel mai mai a. Lak theih leh lak theih leh vawinah pawh lak theih leh tam tak an nei, an hlawh anga ngaih si. Chungte pawh chu Budget-in a liampui mai mai tur a tam em em a ni tih kan hriat a tul ang. Chuvangin ngun takakan Sawrkarna kal chho zel tur leh he Budget kan kenkawh chhohdan tur leh kan sum leh pai deh chhoh dan turah hian kan Hotute lo in ngaihtuah nawn turin ka duh a ni e.

Ka lawm e.

FU R. DOTINAIA: 'Fu Speaker, tlem ka han sawi ve teh ang. Tuna kan ngaihtlak tak ang khan Budget Session vawi rukna chu kan lo nei leh thei ta a. A pawisa thuah hi chuan a tam thei ang reng viau a, lungawih lohna tur pawh awmin ka hre lo. Amaherawhchu, kan hun kal taa pawisa kan lo phar tluk tawh te a hmandan chungchang thuah lungawi thlak lohna a awm hle a. Chu chu tunah hian he pawisa hi kan Sawrkar te hian eng chen nge min hmanpui leh dawn tih vawinah hian ngaihtuah tham a awm a. Engemawchen chu kan hman leh dawn chu a ni ngei ang a. Chuvangin thil kal tawh atanga thil fel lo zuk sawi chhuahin thil lo kal leh zel atan pawh, nakinah chuan tute pawh lo Sawrkarin lo hruai dawn pawh ni sela a thatna awmin ka ring a. A pawisa tam chungchang thuah chuan sawisel tur awmin ka hre lo hle mai, kum dang ai mahin kumin phe chu a tam a, a lawmawm hlein ka hria. Amaherawhchu ka hmaa an sawi tak ang deuh khan pawisa hi tam tak han ruahmanin, hman ral te pawh ni thin mahselangin, a hmanralna kha ram mipui tam ber changkanna atana hman a nih si loh chuan mipuite lungawina leh mipuite changkanna kha a thleng thei tak tak lovang a. Mi tlem te chungah omaw, mi thenkhat chung maiah emaw he kan Budget hi a luang luta, hmasawna ala awm thin chuan lungawi lohna alo nasa thin a. A kaldan tlangpui ka han thlir lotin kan pawisa ruahman tam tak te hi mipui tam zawk te tana hmanna hi a tham hle niin ka hria. Chuvangin lungawi a harsa hle a ni. Vawinah hian kan M.F. thlan result-ah te hian a hriat hlein ka hria. Mi tam ber, vote neitu tam ber chu an lungawi lo hle niin a lang a ni, kan dinhmun chu a lo Chiang ta reng a ni.

Entirna: pakhat han sawi ila, P.W.D.  
lamah te pawh hian pawisa tam tak tak nikum lamah te  
pawh khan hman sen leh a kir e tih kha a awm a. Tunhma  
kum 1972 atanga (Sawrkarna siam tirh atanga) ruahman  
leh sawi ve tawh reng thin te chu, hei kan Finance  
Minister Speech-ah te khon, thil tam tak chu a lo lang  
a, chu lai Kawng chu sial a ni a, zawh a ni tawha tih  
te a lo awm duat duat a. Amaherawhchu, a tir atanga  
lo tih ve tawh Tuichang Ral mipuite harsatna ber, kumtin kan  
buakna em em, nikum te pawh kha supply chungchang thuah  
an buai em em a. Hei kan Supply Minister pawh hi kan  
tiluhai hle a, avang chu kalkawng that leh vang a ni  
a. Tuichang lei dawh tur thu sawi a ni a, Sawrkar pawh-  
in a ruahmana, kumtin Budget a siam a. Kum 1975 April  
thlaa hawn theih tawh tura ho House-ah ngoi pawh min  
tiam tawh kha, vawinah chuan engtika tih zawh tur  
nge ni tih pawh hriatphak a ni lo leh ta hial a. Kuminah  
pawh hian supply chungchang thuah an thiar sawt viau  
a, amaherawhchu duh angin thiar tur Serchhip Kudamah  
te alo awm lo leh thin a. Thal chhunga an thiar zawh  
leh chuan ho Lei awm lo hian harsatna tak a thlen leh  
thei dawn a ni. Tuichang ral te, Tuipui ral te thleng  
khian ho Lei hi pawimawh tak a ni. Hei pawh hi vawin  
thlengin a ban pawh an la phun lova, engmah hnuhma,  
mipui te lungawina turin emaw, hlawhtling turin emaw  
tih tan ala awm lo reng reng a.

Chutiingin Agriculture lam thilah te  
pawh hian Mizoram chu kan hriat angin Agriculture-a  
~~ix~~ ei zawng mi, kut hnathawk hi 80% zet zawt vel hi  
kan ni a. Chuvangin Agriculture-a pawisa an ruahman te  
pawh hian 80% dinhmun hi a ti changkang thei mangin  
a lang lova. Tin, Finance Minister thusawiah te pawh  
khan a lo lang a. Dry Terrace te nasa taka siamna  
turin pawisa ruahman a nih thu te; tin, tam tak te chu  
reclaim tawh angin a lo lang a. Mahse vawinah hian kan  
eizawna kawngah leh kan ei leh bar kawnga kan into-  
delhna kawngah hian hma kan sawn lo hle mai a. Heng  
Dry Terrace atang ringawt hi chuan, Buhah ngat pheh hi  
chuan Mizo fate hi kan inchawm zawh tak tak a rinawm  
lova. Nimahselangin, keimahnin kan chin ve theih, ram  
danga thawn chhuah ve tlak, Foreign Exchange tling ve  
tam tak kan nei a. Entirnan- Sawhthing te, Aieng te leh  
thil dang dang a awm a. Khung Punjab rama an tih ang  
deuhin Wheat te chu Punjab ramah an thar tam em em mai  
a, kum 2 kum 3 ei thar te pawh an awm a. Chung chu  
Sawrkarin a lei saka, khawiah emaw a mamawh zawk hnenah  
an hralh leh a, ram dangah te pawh hralh a ni a. Chu-  
tiang chuan ram dang pawisa lakluhna a lo ni a, Sawrkar  
tan a lo hlawk em em a ni. Helala Sawhthing leidan tur

an rawn rushmanna te kha a lawmawm hle naa, a tam tawkin, a tha tawk lo hlein ka hria. Tunah pawh kan neihsa kumina an chin zawng zawng pawh hi lei zawh sen a ni leh dawn lova, a pawisa rushman tam ringawt hi a tha lova, a hman tandan leh a zuk thawh zelnaah hian enkawlzui thata, ruahman that hi a ngai takmeuh meuh a. Ruahtui tlak leh hmain vawiina a chingtu tena an chin sa emaw, an la chawh lehte pawh hi lei zawh hman loh a nih a hlahawm thin a. Chuvangin a leina h un tur te fel taka siama, chutianga tih ngei chu ni se a tha hlein ka hria. Kum 1975-76 te pawh khan pek chhuah a ni a, chung lai chuan quintalah Rs. 125/- in an pe chhuak a, Loan-a rull tur interest te pawh a awm a ni mei thei. Nimahse, a hralhna lamah khan Sawrkarin a ngaihtuahpui leh tak leh avangin tunah hian quintalah Rs. 80/- te, Rs. 90/- te in an hralh leh a. Loana lak si, a interest awm tur bawk si kha, Loana an lakna aia rate hniam zawk si khan an lo hralh leh si a. Chuvangin rethei te chawikan ai khan rethei te zuk umbona kha niin a lang a. Chuvangin a lungawi loh thlak hlein a lang a, hei hi ngun deuh hleka bih ngun ngain ka hria.

Chutiingin thil dang dangah pawisa tam tak tak ruahman a ni thin a. Heng Tui thu te hi han sawi ve zawk ka duh a. Thingtlanzah leh khawpuiah te pawh Tui mipuiin hnianghnar deuha an lo hmuh theihna tur ruahmanna te pawh a awm a. Kumtinin rushmanna te pawh a tamin, a pawisa te pawh a lo pung deuh deuh a, mahsela harsatna hi kan tawk ~~harsat~~ tam deuh deuh emaw ni chu aw a tih theih a ni. Khawpui chhungah pawh mi thenkhat chuan kar hnih chhung lai tui an lo hmu tawh lova, a harsa duh hle. Chutiingin thingtlang lamah pawh a hlawhtlinna a tlem duh hle a. Pawisa ruahman tamna ringawt hi ram changkanna leh mipui te thawvenna a nih lohzia chu a lang Chiang hle a. Heng kawngah hian kan Sawrkar te hian chak zawka an thawh hi a tul hle a ni.

Tin, thil pakhat ka vei em em thin chu: Mizoram chu ei zawna kawngah te kan harsat avangin khaw hmun thuaah te loh theih lovin oizawn awlsamna hmunah te kan mipui te an awm thluah lo thei lova. Heng kawngah pawh hian a tir ata kan sawi tawh kha vawin thlengin tih hlawhtlin theih loh a la ni a. Chu chu a theih lohna tehchiam dang awmin ka hre lo. Engtingge ni ang tih han zawh chuan Politics hawhlfung atan in hmen mei mei hi kan tum em ni chu aw a tih theih rum rum a. Hei hi kan Sawrkar hian mipui hi hmangaih tak takin, tih changkan tak tak duh ni sela chuan khaw tihngheh te pawh hi harsa niin ka hre lo.

District Council kan nih lovin Village Council khaw siam theitu chu District Council a ni mai a. Chu kan Dan hmana chu U.T. kan nih hnu pawhin a ngain kan hmanng chho leh mai a ni si a. M.T.Sawrkar chu V/C khaw tinghet theitu, V/C po theitu a ni mai lawm ni? Chuti a nih si chuan engatinge vawinah kan mipuite kanglang taka kan dah? Han owa nghet dawn sela, Bawk a ni miau si a, awm nghet dawn l sela, Sawrkar lam atanga enkawlne tur an rawn rel Village Council te, School te, Tui te leh kawng enkimah, development thilah te khan kan cut leh ang rang bawk si a. Chuvangin heng te pawh hi rethei te retheihna lehzuah a ni a. Kan Sawrkar pawh hi a policy ang hian a kal lo, retheihna um bo, 'Garibi Hatai' tih kha a ni si a. A retheihna um bo si lovin, ni rethei tak tak kha um bo kan tum niin a lang. Hengte pawh hi nichina lu Sangkhuma'n a sawi ang deuh khan Committee te hial pawh in din a ni tawh a. Bawk zawng zawng phei chu tih sen a nih loh pawhin khaw ti changkang tura an han thlan chhuah ho entirnan- Khawzawl te, Vervak te, Yhawlailung te, Keima Bidl ami ngei te pawh rilru mumal lo takin mipui an awm a. Tun thal chhunga insawn thlak an duh em em a, mahse Sawrkar lam kha inngenchhen leh theih leh an ni si a. Tunah hian rilru chia takin an awm leh ta a ni. Khawlai kalhawng te siam thatna turin E.G.S. te an po a, tin, Public Hall tur te, a hmasaa tih tur te ang angemaw te an ti a, chung EGS pawisa te pawh chu an han po kim the leh hli thei lova. Tin, hmun thenkhatah chuan Rangya tein kan rawn tanpui dawn che u, In lo sa ru ti ang deuhin, chiangkung lo ang taka in hriattirna te a awm a. Fel fek fawkin bawhzui ni sela, kumin thalah 80% emaw, 60% emaw chu in sawn thlak a ni ang tiin kalpui ni sela, eizawndan kawngah te, In leh lo remdan kawngah te mipui in rilru an siam thei ang a. Tunah rih chuan an cinhrun a harsa viau a, ei chawp zawng bawk siin khatiang khan rilru nghet lo takin kan awntir bawk si a. Heng thil te pawh hi a tul a nih chuan Central-ah emaw bawhzui chaka, a tul a nih pawhin hoti lai atang pawhin ten lak chak, chu chu ten lak chak tur niin ka hria a ni.

Tin, Rehabilitation te kan ti a. Heng te pawh hi kan sawi fo tawh angin MNF Returnees te inbenbel lehna tura thil an ruahman te pawh hi a lawm-awm ka ti om em a. Hei mai hi tawh ka ti lova, rambuai avanga chhiatnain a lukkhung chhungkua tam tak kan ramah hian an awm a. Hei hman zaneh pawh Tuikual Veng nawngah te khawi khawiah emaw kan han kalin Aizawlah pawh hian en ila kawng tlangpui dung leh khawilai hmun emaw chauh

hi hma a sawnin, a thang a. A mi chhe deuh hlek leh Veng kilkhawr chu Electric ban leh tui kawng te khan tawp chin a nei deuh hut zel mai a. An In leh lo en chuan khawngaihthlak tak vek kha an ni. Chutiang chuan Khawpui chhungah leh thingtlang lama hmasawna tura kan ruahman khan thlen chin a nei tlat zel mai a, a fun kim lova, hei hi a tawh tak tak lova. Khung Tuikual velah te khuan rethei tak takin mi tam tak an awm a, kalkawng mumal nei lovin, tui kawng te pawh thlen tir lovin, mi rethei tak tak khawpui chhungah leh thingtlangah te an awm a. Chunghe han in benbel lehna tur pawh chuan kan Sawrkar hian a rawn ruahman leh lo thin pawh hi pawl ka ti a. Hengte hi thil tih theih awm tak niin ka hria a.

Hmanah Mizo Union Sawrkar lai pawh khan sawiho a ni tawh thin a, Prime Minister pawh inhawng viauin kan Chief Minister te pawh khan sawi thinin ka hria a. Heng kan theihngilh rengte pawh hi a pawl hlein ka hria. Vawinah pawh kan Budget han thlir thuak thuak khan chunghe mi tam tak ek cheh thuta thu tawh mai, mahni tha pawha intungnung leh thei tawh lo tur tam tak an awm a; chunghe tan chuan bul tan tur emaw han ruahman sakna a awm lo hi a lungawi loh thlak hlein ka hria a. A mamawh zawk leh tanpui ngai te tam tak kan theihngilh thin hi a pawl a. Pawisa tam tak ruahman thin mah ila ram changkanna a tling tak tak lo thin a. Mi thenkhat, mi tlem zawk changkanna a lo ni mai a ni.

Tin, ka hmaa mi ten an sawi ang deuh khan kan ram hi 'Kristichram' a ni e kan ti a. Thil pakhat kan ngaihawh em em chu Zu thu hi kan buaipui hle a. Hengte pawh hi Zu hi a tha e ka tih vang ni wiah lovin, Zu hi a duh lotu pawl tak ka ni ve a. Amaherawhchu, Excise Bill te kan lo pass tawh a, vawinah hian hman theihin kan Sawrkarin an rawn peih thei lo hi pawl ka ti a. Chuti chung siin mi thenkhat chu na fein engemaw ti tiin, justice a awm lo hlein ka hria. Entiran- Zu khapna Dan fel fek fawka, a Rule te, Act te kha kan hman a nih chuan khangte kha Dan angin kan hrem tur a ni a. Thenkhat chu chutiang Dan pawh kan Sawrkarin la peih fel si lovin mi rethei zual deuh apiang kha kan dim lo deuh em ni chu aw tih turin a awm a. Lehlahmah chuan Zu khapna, na taka khapna, mi thenkhat, a rethei zawk te chu an In leh lo cancel sak hialin, permit te hian cancel sakna hial tawrtir a nnih lain, lehlahmah chuan a mi lian zawk leh thil tithei zawk te chuan Sipai Zu te chu an chaw lut teuh teuh si a. Dan mumal deuh hleka kalpui a tha hle a ni.



Tin, thil pakhat ka han sawi leh duh chu, hong dandawi lampang, hriselna thilah hian tunhma khan Grouping Centre-ah hian Nurse pakhat leh Midwife leh Compounder te leh Chowkidar te dah an ni thin-a. A tlangpui thuin Grouping Centre chu mihring 2000, 3000, 4000 lai awmna a lo ni a, a pawimawh tham hle a, a chhawr pawh an chhawr hle a. Amaherawhchu, tunhmai deuh khan kan Sawrkar hian thil tihdan a ti dang ta hlek a; thingtlangah han zin pawhin harsatna tunah chuan an tawh tih tam tak chu kan hmu thei a. Grouping Centre-a Pharmacist awmte kha an sawn darh ta vek a. Tunah hian a Supervisor azawng khan an ti a, chung chuan ngun takin an supervise leh hman si lova, damdawi, hritlang leh khawthalo te pawhin han lam tur khan a lo harsa ta viau mai a. Heng thil te pawh hi ram, mipui tam berin an chhawr theih zawng lo niin a lang a. Tunhma kan tihdan khan phuisui deuh hleka kan tih thain ka hria a. Grouping Centre lian deuhah chuan Pharmacist hoa an lo awm ringawt pawh khan thui takin mipui rawng an bawl a ni. Chuvangin tuna kan kalpui an hi chu rikrum thilah pawh han chhawr tur an awm tawh lova, Chowkidar te mai mai khan Damdawi an lo sem chhuak ta a. Chu pawh chu anmahni thu ngawta sem thei kha an lo ni leh ta lova, mipuiin harsatna tam tak an nei a. Budget-ah erawh chuan pawisa tam tak kan khungin kan hman tho si a. Amaherawhchu, mipui tam ber a chhawrtu tur khan harsatna an tawh phah thin tih hi kan Sawrkar hian hria se ka duh a.

Tin, a tawp han chuan Home Guard chung-chang thu hi han sawi ve hlek ka duh a, nikum lamah te kan sawi tawh a. Kum 1974 a ni tain ka hria. Khata an Rising Day khan kan Chief Secretary ngei pawhin Lam-mualah khan Mizoram Home Guard chu khung, Kashmir te leh Border Area-a Home Guard angin Special-in enkawl na kan pe ang a, a Battalion pawh tihpun a ni anga, an hlawh te leh an thawmhnaw engkim tha zawkin enkawl a ni ang tih kha vantlang hmaah a puang tawh a. Amaherawhchu, vawinah hian kan Home Guard te chu nitina inhlawhfa, casual labour ang tak tak kha an dinhmun a ni a. Leh lamah chuan kan ram chu rambuai a ni a, hmanruaah kan Sawrkar te chuan Silai te hum tirin an lo hman ve si a. Hengah hian kutpalh te pawh tawh theih a ni a, tihpalh te pawh awm thei a ni. Amaherawhchu, a dinhmun chu chhe tak kha a ni leh si a. Mi pangngai ang deuh hleka enkawl kha tul hlein ka hria, an hlawh a tlem em em a, ni khatah Rs. 8/-, Rs. 9/- an hlawh a. Chu chu an ration an han cut leh khan a lo tlem em a, an rilru pawh a hrehawma, chutiang em ema in enkawl hi a nuam lo a ni.

Tuna kan VIP te leh Minister te leh mi lian dang te pawh an vengin an awmpui vea, zankhua khuain an duty ve a. Hengte pawh hi tuna kan Sawrkarin lo sawi tawh ang leh kan Chief Secretary ngei pawhin a lo puan ang khan, mi pangngai ang deuh hleka onkawl theihna turin kan Budget-a ruahman te hi hman theih ni sela kei ka duh-pui tak tak a. Tuna an dinhmun ang ringawtah hi chuan lo thi palh pawh ni sela, an arte thih ngawt dawn a ni, a hrehawm hle a ni. Tlem lai deuh pheh kha chuan ban pawh an han bang deuh zar zar hlawm a. Amaherawhchu, kan Sawrkar ten 'kan ti tha dawn che u alawm' an tih khan an lo nget deuh a. Tun tumah hi chuan an han tih that deuh pawh beisei ilang. Tunhma kal danphung ringawtah chuan nitina inhlawhfa, ei zawng chawp ringawt ang an ni, lehlamah chuan mawhphurhna sang tak an lo pe tawh ang reng bawk si a. Chuvangin an khawngaihthlak em em a, kan Sawrkar hien tha taka an rawn tih theih ngei hi ka duh a ni.

Ka lawm e.

PU HRANGAIA: Pu Speaker, vawinah hian tlem te han sawi ve ka duh a. Amaherawhchu, ka thil sawi te chu kan Sawrkar hotu te pawhin ngun takin lo ngaihtuah sela, thil tul tak tak han sawi ka duh a. Phunnawina tam tak neih ngawt hi chu a sawt fehchiam lo ni pawhin a lang a. Kan Member zahawm tak tek ten an sawi tawh ang khan, kumina Mizoram chungga kan pawisa sem zai tur, kan Budget chu a thahnem viau a. Cheng vaibelchhe engemawzat a tling a, chu chu tam tak a ni kan ti theuh awm e. Amaherawhchu, hemi kawngah hian kan hun kal ta zawng zawngah pawh kan Sawrkar hian an hmag tha viauin ka hria a. Bawh lampang pawh an nei a, hma kan sawn dan pawh hi thil langsar tam tak a awm a. School lampangah chuan building lampangte thlir ila kan phun vakin ka ring lo, Member hte pawh hi. Tin, mipui pawh an phun vakin ka ring lo. Chutiang bawkin PWD-ah kawng laihah pawh hian kan chak hle a, amaherawhchu hetia onkawl leh zelna black-topping tih lamah hian kan chhonzawm zo rih lo a ni a. Tin, Forest lamah te pawh tunhma lam thlirin lamlian dungah a ram miter a hausak pui tur, nakin hun kan thlira kan ngaihtuah chuan thing phunte pawh a nasa hle a. Chutiang chuan thil lang thei tam tak a awm a. Damdawi lamah pawh a building te kan thlir chuan leh a khum te a in tihlen te leh khatiang kha State dangte nena kan khaikhin chuan kan chheh velah chuan hma kan sawn ngawtin ka hria.

Tin, chutiang bawk chuan tunah hian kan Sawrkar ten an bawh tur leh Sawrkar phuisui leh ram phuisui, tin, ram dang atang pawha mi ten an thlir pawha phuisui nihna hi thil awm a awm a. Tunah Mizoramah hun engemawti chhung chuan kan ramah buaina a awm avangin Circuit te kan nei tha meng lova. Tunah Circuit kan han sa a, chuta lo awm tam takin 'Circuit thatzia' tih te pawh an sawi a. Chutiang chuan State te kan lo nih ve tak siah chuan hmun dang atangin khualzin tam tak an lo kal thin a. Tin, chutiang bawkin a ram chhunga chengte pawh ram a lo thanga, hnam a lo sang zel a, zin vei vahna te khual zin te an lo tam a. Tunhma pawh khan ka sawi tawh thin a, an bawhzui dawn emaw ka ti a, mahse an bawhzui tha tawh lo hlein ka hria a, kan Sawrkar te hian, chu chu paw ka ti em em a ni. Silcharah zuk kal ila, Circuit kan chan loh chuan P.W.D. talin Rest House tha tak te an nei a. He lai Aizawlah hian dik takin, mikhual pawimawh tak tak kan nei a, thlenna kan nei lova. Chutiang tak chuan thlenna nei lote an awma, Circuit te a lo khata, engemaw keimahni a chhunga chengte hian mahni In leh lovah chutiang mi chu thleng ngam leh thleng zo inti kan la awm baw si lova. Chumi lama kan intodelhna tur hi ngaihtuahna kan nei tha tawh lo deuh a nih chuan hei hi kan thlir ngun deuh viau ngaiin ka hria. Lamlian dungah tunah rih chuan BRTF ten lamlian te an lak avangin an niin an tih si loh chuan P.W.D.-in kan ti thei lo te kan ti a. Kan tih theih zawng Rest House te pawh a awm a, vawi tam tak ka sawi tawh a. I.B. kan han neih chhun te chu tihlen kan tum lova, Serchhipah te chuan kawngpui dung tak tak a lo ni a, dik tak chuan Inspection Bungalow saw kan indaih tawh lo a ni. Chutiang bawk chuanin hemi lamlian dung, Lunglei kawng dungah hian miin Hotel awmna hmunah chawh an tum lo thei lo, zing chhuak an ni emaw, zan chhuak an ni emaw, an chawh ngei ngei a ni. Tlungvelah a khawtlangin an han sa a, Rest House an han vuah sak a, a chhuat chuan cement a ni a, khum chu a awm lo a ni, dawhkan a awm baw si lo. Chutichuan Rest House nei ang chuan an awm a ni. Chutiang deuh zel chuan hei lamlian dung kawng laih kan chak hle, Khawhai tlangdungah khawiahmah miinah loh chuan thlenna tur hmun dang a awm baw hek lo. Tin, hemi Aizawl leh Lunglei tlangdungah pawh Serchhip pan ngawt a ngai, Serchhip leh Aizawl inkarah pawh khan riahna tur khaw tam tak a awm a, enkawl tur tam tak an awm a, chutah chuan riahna a awm baw hek lo. Keinin ram danga mi lo kal te, Aizawl khawpui inti, concrete building nei inti te pawhin tumah kan la mi khual ngam si loh chuan thingtlang khuaah mikhuala awm kan tum emaw ni si ni.

Chuvang chuan helaiiah hian hmasawina thil tihlan, Sawrkar ngelnghet, mawina, khaw lai thil lang tur Mingo Sawrkar pawhin an ngaih pawimawh hmasak ber zel khatiang thil kha ngaihtu h levin keimadni tal talin kan tal a. India ramah zuk kol ila, Sawrkar hian a Circuit lo t lonna tur an ngah em em mei, hmun dangah te pawh. Chutiang chuan keini arowh chuan chutiang hmun chu kan nei rong reng lovh, a awma lamah a awm a. Silchar tlangdangah ve thung chuan a Department hran hranin Rest House kan dah e an ti a, an nei a. Mipui tamna zawk lempang lamlianeh chutiang chu kan nei si lova. Aizawlah pawh hian F.W.D.-in Rest House nei sela, Soil Conservation ho pawhin nei sela, Forest Department pawhin nei sela, helai Circuit House ringawt ni lo hian. Chutiang bawkin hmun dangah pawh chutiang bawkin siang ang hmiang. Chuvang chuan helaiiah hian a ni, thlir tur kan Sawrkar mawina, ram dang atan pawha mawina, mi rethei chhawk zangkhai tur chu ngaihtush a ngai a ni.

Aw le, Chhingchhipah emaw, Thingsultblich ah emaw, khawiah emaw thleng dawn ila, mi rethei kan chhawk zangkhai tur chu tunah Sawrkar hmingin emaw hti laih a ni. Kha laiah khan V/C ten an neih ang ang thil ar lo ti a, kha ai chuan Rest House lo awm sela, kha laiah khan mahni sum leh pain enremaw in chhawmdawl tur kha an lo in siam velah a, khaleih khan a khawsak theih zel a ni. Kolasib-ah a awm a, Kolasib-ah kan siamtir lo, Hotel ami kan ko tho mei a ani. Chutiang chuan rethei chhawk zangkhai a ni ve tho si a. Heng kan ngaihtuah lo tawp te hi a ni kan Sawrkarah hian ka mangan thin ni, hei hi ka sawi zing tawh khawp mai. Champai tlangdangah kal ta ila, Champai pan ngawt loh chuan rianna mumal a awm lo. Chutiang bawkin helaiiah pawh a laiah Sorchhipah a awm. Tin, Thenzawl tlangdungah lamah kal ila a awm bawki lo. Chuvang chuan helam thil hi kan mamawh a ni. He laiah hian kan Sawrkar ten in ngaihtuah ngua a ngai a ni. Helai hi in mawina tur te, vai ram atang tein eng engemaw mi thiam zawk te lo kalin ve tawmpuina tur pawh a awm lo. Ngeinghehna hetiang thil hi thlir thiam a ngai a. Chuvang chuan hemi lamah hian kan Sawrkar hi hmasawn turin ka duh tokmeuh meuh a ni. Chu thil ka sawi chu mahni thil a ni reng reng lo. Koi chu Putar ka ni, ka zin rei dawn heuh lo. Amaherawhchu, ken ram Sawrkar lu te, kan mi pawimawh te ram dang atan a khuallian lo kal pawimawh te inngahafkna tur khan tun nge ka thleng thei (peih) ti awm che u ? Chuvang chuan helaiiah hian kan insiam a pawimawh em em in ka hria. Chuvangin sum leh pai hmangaihna semzai thiam hi a pawimawh a ni.

Tin, thil pakhat ka han sawi leh duh chu, Electric chungchang hi an sawi a. Electric miten an sawidan ang chuan ka sawi dawn lova. Khawpuiah hian thil a semzaidan kan thiam lo em ni chu aw ka ti a. A sawi pawh holaiah hian thawkhat chu ka sawi thin. Hei lamlian Aizawl khaw chungah kan nei a, Sairang kawngah chuan a izam thlaa, kawng chungah hian a zamthla a, sawng Thakthing kawthlaiah te pawh a in zam a. Republic kawngah te pawh a in zam a, a inzamne tam tak a awm. Amaherawhchu, lamlian dung in zuitir hauh lo a awm a, kei ka In thlang chuan keima pawisain ka phun a. Chuta tanga Khatla Bazarah te chuan zam a awm reng reng lova, ruam thim tak a awm a, khelai kawnpui pawh ban pali pangá lek siama kal ve tur, kawng chungah ringawt an zama, hengte hi in thlir ngun loh yang leh tutenaw a hranpaa mahai puala an sawina nge in zawma, Aizawl zuk tihmawina turin emaw, a nih loh vek leh misual fahran kawng dunga tei te thil tihna remchang awm lohna tura ngaihtushna nen hetiang thil hi awm a nih, helai Circuit light hi kawng chung atang daiha lak a ni. Tin, Chief Secretary Bungalow light pawh hi ka In atanga keima hrui atanga lak pen a ni. Keima private-in ka In thlangin ban ka phun a ni. A piah leh lawkah chuan a awm tawh reng reng lo. Chuvang chuan hengte pawh hi ngaihtuah ngun ngaiin ka hria. Sawkarin lamlian dung a enkawlnaah hian a pawimawh tel a ni tih hi in hriat ka duh ngawt mai. Chu chu helai khawpui chhungah chuan a teng bik thilah chuan a pawimawhna dang pawh a awm ant. Amaherawhchu, lamlian puia in kaltir rau rauah hmaih in neihna a rei lutuk tawh a, chuvangin hengte hi rawn ti ve ula; tin, lamlian dungah thim a awm lo deuh tur niin ka hria.(Khawpui chhungah)

Tin, chu lo ka han sawi leh duh pakhat chu, Bawh chungchang thu hi a ni a. Bawkah hian kan Zirna lampang hotu ten in ngaihtuah ngun hle a ngai a. Private-a Zirtirtu an lo lak te kan tih phuisui sak theih si loh chuan, in semzai thui si loh chuan kan mangang em em a. Hei hi mihring chenna zirna kan bawhzui a tul nia kan hriat si chuan hei hi kan bawhzui ran loh chuan a pawl ka ti takmeuh meuh a ni. Tunah hian Sikul Zirtirtu an ngah em tia Education Department-in in thlir dan hi, Bawh Sikul naupang hi Grouping Sikul naupang hisapnaah hian a la tel a, khami in hisap chhung chuan Bawka Zirtirtu in pah hmiah chuan Groupingah chuan an la tam fe mai thei a ni. Amaherawhchu, helai an rawn reportah chuan khami Grouping-a Sikul te hisap telin, khami hminga awm vek an nih si awng khan sawn tur in hre lo pah a ni mai thei a, amaherawhchu, chutiang a ni hauh lova, Bawkah hian an tam tawh em em a, entirnan-

Mi Bial chu ka sawi lovang a. Baktewngah chuan Sikul naupang la tam hle nia in hria a nih chuan, Hualtu a chhuak tawh a, tucuh Hualtu chu in 120 lain in-Bawkin an awm a. Khami naupang kha Baktawnga hisap ala nih reng chuan Baktawngah chuan Zigtirtu tafe ala ngai mai thei a ni. Chutiang chuan a Bawh lamah hian Inspector te hian naupang engzatnge an neih hria sela, khelai an Group-na hmunah khan, khelai naupang an rawn total zat kha pah hmish ula, sem sai tur kan nei bawkin ka ring a ni. Chuvang chuan helaish hian kan Sawrkar ton in thiam ka duh a, chu chu ka han sawi tel duh bawh a ni e.

Ka lawm e.

FU LAIRINLIANA: Fu Speak r, vawinah Budget Session-ah thusawi theihna hun ramchang tak ka neih theih avangin lawmawm ka ti hle a. Tun tum kan Budget Session hi a boruak engemaw ti takin rihna a nei a. Keimahni lampengah phur lohna te pawh a awm em ni chu aw tiin a ngaituah theih a. Mahselangin keimahni chang pawh a ni lova, Opposition lem thleng pawhin he thil kan chung a lo thleng ta hi min tuergui niin a lang e. Mahselangin vawinah lawm thu sawi tur tam tak awmin ka hria. A hmasaberin, kan India Sawrkar te chungah lawmthu sawi kan ba nasa hlein ka hria. Keini ram engmah sum leh pai lak chhuahna awm lo, ramro a ni chungin vaibalohhe engemawzat kan ram sia<sup>th</sup> thatna tur leh in okawlna tura India Sawrkarin min rawn pe hi a lawmawm takmuhin ka hria. Chuvangin kan India ram Sawrkar hotu te chungah lawmthu sawi kan ba nasa hlein ka hria a.

Tin, chu lo loh chuan budget hi vawin engemawzat chu hmasatna kan nei fo thin a. Kan thawktu te lam atangin a hun taka hmuh loh te, sawi theih loh hun te kan han nei chawte a awm thin. Mahselangin vawinah hian a hun taka kan hmuh theih avangin kan Sawrkar hotu te loh thawktu te chungah pawh lawmthu sawi kan ba hlein ka hria. Ka hmasa sawitu tam tak kan lungawi loh thu leh in duhthawhna thu an sawi a. Amherawhchu, vawinah hian chutiang lampang chu sawi ka tum lova, hei kan ram chu kan hriat angin kel kan siam a. Kan Minister te pawhin an theih ang tawkin amahni chawo theuhah chuan an tal nasa hle a, an ti bawp bawp a, theih ang tawkin tan an la a ni. Amherawhchu, mihring hi kan hmanhawh thin avangin erawh chu kan duhthusam angin thil a thleng zung zung thei lova. Pathian ngai pawhin mihring te duh ang zawng leh duhthusam ang ngawt chuan thil a ti thleng

mai bik lova. Chak lo zawk leh mi fel lo zawk te kan nih avangin mihring te duh ang taka thil tih thlen zung zung hi thil harsa tak a ni a. Kawng tinrengah, kalkawng chungchang thuah te, supply chungchang thuah te, Forest lampang chungchang thuah te, Department tinah hian Medical thlengte pawh hian thil in her chho hi a nasa em em a. Tunhma hunte kan ngaihtuah chuan kan ram hmeh hi nitinin, thla tinin a danglam chho zel niin ka hria. Kan sawi fo thin angin kan Minister te pawh he Sawrkar rorelnaah hian an zir chho ve mek zel a. Amaherawhchu, tan an lak tak tak hi hun a rei em em lo, chutichung chuan kan Ram hmeh hi danglam takin, nasa takin a awm tawh tih kan hriat avangin lawmawm ka ti hle a. Amaherawhchu, thil awmdan han thlir han thlirin keini ho hian leh kan hotu te ho hian tuna kan Budget repui tak leh hlu taka hi anmahni hian an umzui chho lo mai eng tih hi hlauhthawna rum rum pawh ka nei a. Chuti a lo nih chuan he a sum leh pai hi tam hle mahselangin, mi thar ten hemi thil an rawn bawhzui chhoh hi kan hotu te aia thiam zawk leh tha zawk ten an rawn enkawl chho dawn a nih phei chuan a lawmawm ka ti thova, kan ramin arah chu ala tel dawn avangin. Amaherawhchu, keini aia, kan hotu te aia chak lo zawk ten he sum leh pai tam tak hi rawn enkawl chho tur te anih phei chuan a pawl em em ang a. A hmeh landan tur, kan hmasawn dan tur te, kan thatpui dan tur te angin thil a thleng chho lo ang tih hlauhthawna erawh chu ka nei a. Engpawhnisela, Pathianin kan ram hi min kalsan lovang tih kan ring tur a ni a. Hotu tha tak tak te pawhin ho thil hi an la rawn bawhzui chho zel ang tih rinna, beiseina thui tak nei ila, chu chu ka han sawi duh a.

Tin, hetia ka han din tak azarah chuan eng engemaw chu tlem sawiselna lampang ni lovin, rawna then then erawh chu han neih ka duh a. Chu chu kan hotu te pawhin lo chhinchhiah sela, anni pawhin phur taka he thil hi an enkawl chhoh zel a, a tawp ret thleng pawha kan ram leh kan mipuite tan tan an lak chhoh zel hi ka duh a. Chung thuah chuan a pawimawh ber te zinga mi pakhat, Tui chungchang thuah hian Khawpui leh Thingtlang hmunah te hian he thil hi chhun leh zan, englai pawha kan mamawh thil a nih avangin Tui chungchang thuah hian khawpui leh thingtlang te hi a tul angin theihtawpa an beih chhoh hi tul hlein ka hria. Chuti a nih leh chuan Tui harsatna avangin hre tam tak thulh theihna pawh a ni. Tin, a bik takin hedi Khawpui chhung chawm turin kan Sawrkar chuan engemaw plan repui tak a nei tih chu hriatna ka nei a. Chu pawh chu thil ngaihdan pakhat awm ve thei chu,

he plan ropui tak hi engtikahnge a taka kan hmuh ang aw tih hi sawi a har viau a. Tunah hian tuna min supply-tu, a bik takin Tlawng hi pipe te pawh thleng tawh a ni a. Tuna mi hi kan vuah zung zunga, khawpui te pawhin hnianghnar taka kan neih theih hi a tha mai awm mange aw tih hi ka ngaihtuah a. Nakin hun tur thu thui tak sawi thei lo mah ila, engtikahnge khami scheme lian tak kha a lo thlen ang, kum 2 kum 3 te a lo nih chuan mipui hi kan pung chho tial tial a, harsatna kan nei thei viau ang tih kha a rinawm a. Chuvangin pipe te lo thleng tawh a nih chuan kha thil kha ti zung zung ila khawpui hi kan hnianghnar thei ang a, kan vui leh vaina chungchang thuah te pawh hian tam tak chu mi a chhawk mah law maw tih hi ka ngaihtuah a.

Tin, chu lo lelah chuan ram ngaw chungchang thu hi ka han sawi duh a. Hei kan Zoram chu tunah chuan kan siam thlaler lek lek tawh a. Amaherawh-chu, tunah Forest Department hian theih ang tawkin plantation te an ti a, a hmel hmuh pawh a nuam a, mi pawh a tihlim a. Kan kalna tam tak te han thlirin Motor kawng tlangdungah chuan Forest hmuh tur a vang hle. Khawimaw lailalah plantation awm hian a mi tihlim a, thil hrang leh thil lo to chho hian rilru pawh a chhawk zangkhai em em a. Chutih avang chuan thil tesep pawh ni mahse han sawi ta mai mai ila, hmanna Mamita ka zuk kal chuan Forest tha em em mai Mamit khuah kuan ala awm a. Chu chu anmahni neih turin huanah an insem deuh vek thaw mai a. Chumi ka han hmu chu dik takin ~~kha~~ nuam ka ti lova, ka rilru pawh a na em em mai a. Thing zai tur tha em em te, ngaw nuam em em mai, mel 10 deuhthaw kal tlang kha Huanah an han insem ta mai kha, Ngiau te, Char lian tak tak han thlaktu tur kha Balhla kung, chutiang vekin a han thlak tur chu pawh ka ti em em mai a. Engpawhnisela, he thil hi chu ka sawi theih theihnaah ka sawi anga, ram ngaw hmuh tur kan nei tawh lova, kan neih chhun ang hi chu Forest Department hian a reserve tlat hi a dikawm mange tih hi ka rilruah thui tak min zuk ngaihtuah tira. Kan ram kang dur dur te, hetiangka kan in vah leh thin chuan he Mizoram hi engtikniah emaw chuan Sahara thlaler angin kan la siam thei mai awm mange aw tih ka ngaihtuah a. Chuvangin a awmsa tawh hi chu reserve tlata kan tih hi a thain ka hria. Chalfilh tlangte kan han hum a, Tawi tlang te kan han hum a, Dampa area te kan han hum te hi lawmawm ka ti a. Chuvangin ~~kan~~ Sawrkar lampang pawhin heng hi chu engemawti zawng zawnga hum hram thain ka hria.



Tin, kan ram hmasawnaah hian thil kan sawi fo thin leh kan hriatring fo tur chu ei leh bara intodelh hi a ni lo thei lova. Engtinge kan intodelh ang tih kan ngaihtuah chuan wet-cultivation hi a ni lo thei lova, wet-cultivation hi kan ram intodelhna tur bulpui ber a ni a, a behbawmah dry terrace hi a ni a. Keipawh he House-ah hian ka sawi fo thin a. Kan ram luikawr, ruam remchang leileta siam theih remchang zawng zawng hi full-swings kan beih chhch hi kan tih tur niin a lang a. Dik takin kan ram hi tlangram Lo neih ang hi chuan a intodelh dawn lo. Vai pakhat emaw, driver pakhat emaw kan han vuak hlum'palh emaw, kan innghirngho-in emaw, helai kan chaw kawng ropui ber hi kal theih loh chang a awm thin. Chuvangin leilet lampang hi kan Sawrkarin tan nasa takin a la tih kan hria a. Dry-terrace lampangah Buh te la ching lem lo mah ila, leileh nana kawr leh ruam tha awm, tui awm lohnaah pawh tui supply theihna turin kawng te, pass neia lo nei tawh te an awm a; amaherawhchu, reclaim tha thei lo mihring tam tak kan awm a, heng hi engemawti zawng zawnga ngaihtuah chhuah a tul khawp mai. Mamitah vek chuan han ti leh ta ila, leilet pass nei tam tak an awm a, pahmei te chuan theih ang tawkin an bei a. Pahmei lehzuai, harsa tam tak an awm a, an ei hmuhna turin tlang ramah Lo an nei lo thei lova, kha laiah khan pahmei chuan an lo in semzai thei lova. Chu chuan he kan leileh, kan Buh thar tur ang hi kan thar tam theih loh phah a. Chuvangin Sawrkar hian engemawti zawngin grant emaw, loan emaw, khangho kha leileh lampangah hian tan a lakpui a pawimawh em em a ni. Dik takin tlangramah hian kan khamkhawp tawh lova, ram te a bua tawh si a, chuvangin ei leh barah hian kan intodelh lo em em a, phai lam rin hi kan dinhmun a ni tawh si avangin. Heng kawng, tui thuah te, ram ngaw chungchang thuah te, wet-cultivation thuah te tan la sela, kan Sawrkar hi tunah hian a ngui mai tur a ni lova, theihtawpin tan a la chho deuh deuh ang a, kan hnunga rawn kal tur te pawhin theihtawpin tan an rawn lain min rawn chhonzawmpui ang a, chutianga thil kan kalpui loh chuan harsatna tam tak kan tawh chho ang a, kan pawisa tam tak, tuna lawmthu kan han sawi te pawh hi a takin kan tel lovang tih a hlauhawm a, chuvangin he kan Budget hi kan duhthusam angin kal kher lo mahse a lawm-awm thawkhat reng reng a. Chuvangin India ram chungah pawh hetianga pawisa min hmantir avangin lawmthu kan sawi lo thei lova. Keini a hmangtu tur te pawhin theihtawpa tan kan lak a tul a, chuvangin vawlin niah hian lawmthu ka han sawi ve a ni e.

Ka lawm c.

**PU KHAWT INKIUMA:** Pu Speaker, kumin kan Budget hi a hun takah kan hmuh avangin a lawmawm em em a, chumi bakah chuan hei ka han en thuak thuaka, a tlangpuiin a tha hlein ka hria. Tin, nikum lama Budget te nena han en pawhin kumin chu hei a tam loh deuh dawna, Mizoram develope-na tur tangka te pawh kan neih belh dawna a lan avangin ka lawm a. Tin, kum kal tea kan achievement, Department hrang hrang-in an thawhdan leh an thawh tawh te enin a tlangpuiin a tha tawh hlein ka hria a. Tin, Mizoram pawh kawng hrang hrangah hma kan sawnin, kan changkangin a hriat a ni. Aizawl khawpui chhung han en pawhin a danglam sawt hle a. Kawng te leh In te pawh hmanlaia kan hmuh ngai loh phai rama kan hmuh ang In te pawh kan neih belh zel a. Kan Sawrkar pawhin In tha tak tak an sak belh zel a, lawmawm viavuin a lang a ni. Tin, kuminah te pawh hei pawisa te kan neih belh leh deuh avangin tan an han la leh ang a, khawpui leh thingtlang lam hmasawna pawh an rawn beih chhoh zel a rinawm a ni.

Tin, kan Budget hi a tlangpuiin ka han enin ka han sawi duh pakhat chu, nichina an rawn sawi tawh ang khan kan hmasawna tur chu Industries lampang hi kan tih uar deuh a ngaiin a lang a. Mahse tuna kan awmdan ang chuan Industries hi tih a harsain a theih loh tluk a ni deuhthaw a. A chhan chu power hi kan nei thei tlat lo mai a, kut ringawt mai chuan Industry hi tih hleih theih a ni tlat lo mai a. Thil engemaw siam nan leh hnathawh nan hian Khawl thil, Industry hi legalise loh chuan thil siam chhuah hi a to lutukin a tam thei lo bawh a ni. Hei, 66 KV line an tih, U.T. kan nih hma atanga an buatsaih tawh hi an peih hnai tawh tih hi kan P.W.D. Minister khan a sawi tawh a. Kum lo la kal leh turah hian saw lai Zomabawh kianga an Transformer te pawh saw peih theih awma hriat a ni a. Chuti a nih chuan tuna kan power kan neihsa hi tlem chu kan neih belh leh anga, mahse chu pawh chu Mizoram mamawh leh Industries han tihna tur chuan a tawh dawn lo tih chu a hriatsa mai a. Hei aia power tam leh sang zawk nei tur chuan kan Sawrkar hian a rang lama Hydel Project an ruahmanna hi nawr se, hmandan tur te pawh ruahman thuai se a tha hlein a rinawm a ni. Tlawngah emaw, a nih loh leh Chhintuipui (Kaladin)-ah emaw sawn Hydel Project hi han din sela chuan kan duhtawh power kan nei thein a rinawm a. Khu laia 'Paper Mill' kan ti fo te pawh khu power kan neih si loh chuan thil tih harsa tur bawh niin a lang a. Kan Project report-ah khan khu laia Paper Mill-ina power a ngaih tur zat chu (Pu Sangkhuma: Pu Speaker, kan danah khan qarum kan tlin tawh loh

hnua discuss theihna kan nei em ? Kan nei lo a nih chuan quarum kan tlin tawh loh hi chuan discussion hi chhunzawm tawh lo ila a tha ang a.)

**SPEAKER:** Kan Dan 30-naah khan quarum chu 1/3 a ni a. Quarum a tling tawh lova, quarum bell han tiri ula.

**PU KHAWTINKHUMA:** Pu Speaker, a tih zel theih ang em?

**SPEAKER:** Thei tawh lovang, quarum kan tlin tawh loh chuan. Quarum kan tling tawh loh chuan. Quarum in tling leh tawh a, kan chhunzawm leh thei tawh ang.

**PU KHAWTINKHUMA:** Pu Speaker, khu laia paper project hmun tura ruahman khuan power a duh hnem hle dawn a. A landanin 18 Meka Ward vel a ngai dawnin a lang a. Tuna kan neih hi 'Meka Ward' tih pawh a tling lova. 66 K.V. Line hi lo thleng mahsela hei hi a tam berah Meka Ward 5 emaw a tling thei lek dawn a. Chuvangin Aizawl khawpui leh a chheh vela kan hman hi a khawp emaw a ni lek dawn a. Mizoram power kan mamawh tur chu a lan danah chutiang chu a nih avangin kan Sawrkar hian power tam zawk kan Inah emaw, thingtlang khuaah tam zawka electric light duh tawka kan neih theihna turin leh Industry tha zawk kan neih theihna turin kan objective bulpui ber ni thei sela a lawmawm ngawt ang.

Tin, thil pakhat, kan Sawrkar te sawiselna ni lovin transport thu tlem ka han sawi leh ang a. Mizoram hian Govt. Vehicles hi a thahnem ta hlein a lang a. Department hrang hrang han thlirin leh khawlaiia vehicles tlan vel te hi kan thlir ila, Govt. vehicles hi a tam ta hle mai a, Officer kan han nih dek dek chuan Jeep-a Office kal tur emaw, khawlaiia kal vel nan hman tur emaw ti niawm takin kan lang ta a, lo ngaimawh deuh tan chuan mit kham thlak hlein a lang a. A dan chuan Sawrkar vehicle hmandan hi kan Sawrkar hotute pawhin an hria ang a. Office-a kal nan hian hman tur a ni lova. Amaherawhchu, Minister leh Speaker te chu ka ti tel lova, an hlawh, an Car a nih si avangin

an duh duhin an hmag thei a, an duh duhnaah an kal thei a. Mahse hengah pawh hian ceiling a awm a, 1800 Km. emaw ni hi thla thum danah a ni a, chu chu an pelh chuan Government rate-in mileage an pe ve tur a ni tih a ni a. Station chhungah chuan chu pawh chu an hmagzo kherin a rinawm lova. Minister te leh kan Speaker te chu sawisel theih an ni lova, an hlawha tel a nih avangin. Amaherawhchu, mi dang zawng, Chief Secretary atanga a hnuai ber thlengin vehicle reng reng hi an hlawhah a tel ve lova. Official duty-a hman tur a ni a. Aizawl khawpui te phei hi chu Officer leh Clerk te tan pawh kea Office kal hi a hrehawm vakin a lang lova. Officer te chauhin Office kal nan leh len vel nan, Bazar kal nan a nih loh leh Biakin Inkhawm nan emaw an hmag hi Sawrkar pawisa a hek lutuk a. A hlawh tlem zawk te kein an kala, a hlawh tlem zawk te Bus-ah an kal a, chu chu thil dik niin a lang lova. Mi State dangah emaw, Delhi-ah emaw, chutiang chuan an ti ngai lo reng reng a, Mizoram hi tihna awm niin ka hria. Keipawh Office-ah ka thawk ve tawh thin a, Senior Officer pawh ka ni tawh a, Office kal nan emaw, ka hnathawhna tura ka kalin emaw, Jeep emaw, Car emaw ka hmag ngai lova, Bus-a ka kal loh leh ka Car-ah ka kal mai a, chu chu Sawrkar hna pangngai a ni. Mahse, Mizoram chuan Officer det det chuanin Sawrkar Motor hi Office kal nan emaw, len vel nana hman tur emaw kan ti a. Chuvangin Sawrkar pawisa ram develope-na tur maktadual tam tak kan khawhral a ni. Jeep pakhat maintain nan hian thla 1-ah Rs. 1,000/- aia tam a ei si a, chuvangin kan pawisa khawhral hi ram develope nan hmag ta ila, thil tangkai zawk a niin ka ring a. Sawrkar Bus-te hi khawlahian hian tlan tam zawk sela, Office kal nan a tangkain a awlsam anga, Sawrkar chu inhloh deuh mahse, public service a nih avangin thil tangkai zawk a niin a rinawm.

Tin, thingtlang lamah te pawh hian Bus te hi tlan tam zawk sela, kan Officer te leh Staff te pawh duty-a an kal hian Bus-ah kal sela, chutiang chuan Sawrkarin ti sela public service a ni zawkin ka ring. Officer pakhat-in Silcharah emaw, Lungleiah emaw duty nana Sawrkar Motor a hman chuan Motor pakhat Silchar kal nan ringawt pawh cheng za tam tak sen a ngai si a. Chutiang chuan Jeep emaw, Car emaw te hi mi pakhat lek chuangin a kal a kal thin a, chu chu kan pawisa khawhralna tul lo tak a ni. Kan hotute hnenah pawh ka sawi tawh thin a, hei hi kan hotute hian lo en fel se thain ka hria.

SPEAKER: Sawi duh in awm tawh lo em ni ?. Dar khata  
ban tur a ni a, minute 15 a la awm a, chuvang-  
in a sawi tur te pawhin chumi rema sawi ni sela.

PU SAPLIANA: Pu Speaker, dar rik hunah tawp tur a ni a, sawi  
-...zq hman ta lo ila chawhnuah a sawi zawm leh  
theih ang em?.

SPEAKER: Darkhata ban tur a ni a, sawi la chawhnuah dar  
2-ah tan leh tur a ni ang a.

PU SAPLIANA: Pu Speaker, kum 1977-78 Mizoram Budget ngaihtuah  
na hun tha tak kan nei theih avangin lawmawm  
ka ti hle a. Hei kan budget chungchangah hian tlem sawi tur ka  
nei a. A pawimawh deuh deuh ka han sawi ve ang a. Hei Mizoram  
chu kan hriat theuh angin 1972 atangkhan mahni budget neiin kei-  
mahni a in enkawl na dik tak angin kan kal ta a. Kan Mizoram  
chungchang State dang te nena khai khinin kan la duh khawp lo  
hle thin niin a lang a. U.T kan nih atanga kum nga chhung hunakeimah-  
ni in enkawl hna thawh hi duh khawp lo tawh chu kan awm lo thei lo  
ang a kawng tam takah chuan. Sorkarte kan han din ve si takah  
chuan keimahnin kan duh angin kan ram chein kawngte leh mipui  
vantlang harsatna zawng zawng te hi kum hnih khat chhungin kiang  
thei se kan duh em em a. Chung avang te chuan khawi emaw laiah  
chuan Sorkar hmun pawimawh tak tak kan beisei ve thin a. Amahe-  
rawh chu, harsatna kawng, tamtak avangin a puitling thei lo thin  
a. Damdawi in te pawh kan mamawhin a thawktute pawh kan duh thin  
a, mahse hmun tam taka kan damdawiin te leh dispensary te pawh  
thawktu awm lo vin vawin ni thlengin a lo awm a. Chung chu mipui  
leh a ram hmasawna kawnga tlan chak tumna rilru avangin vui leh  
vaina tam tak a awm thin a. Hetia kan budget atang a pawisa kan  
han hmuhi hi chuan kumkhat chhuaga hna tam tak thawh thei din hmun  
a dingin kan in ngai thin a. Tunhna District Council hun kaia  
pawisa kan hman te nen chuan a in ang lo em em a ni. Kan pawisa  
te hi a hmanna dik taka hman tur pawhin Office lamah te pawh  
harsatna tam tak a awm thin a, mahse chut chung pawh chuan tun  
kum chhung Mizoram hmel hi nasa takin a lo danglam tawhin ka  
hria a. Ka han thlir vang vang thin hian kum khuaa ngaihthah tur  
ni awm a ram bung thenkhat ka ngaihte pawh chu tunah chuan  
hmasawna kawnga nasa taka chawi kan an niin ka hria a. Hei Deptt.  
te te han thlir pawhin leh pawisa din hmun te han enin lungawi  
thlak hlein ka hria a. Amaherawhchu mi tam takin budget te hi  
kan nei a kan hman seng chuang lo, sawtna a awm lo haa ruak tam  
tak a awm a, kan in daih loh thin em em a, mahse a lak a awm  
mumal thin lo tih tea sawina te a awm a. Amaherawhchu a mihring  
kan in daih loh avang te leh thil tih dan zawh tur tam tak a awm  
avanga harsatna te hi kawng tam takah a ni tih kei pawhin ka  
hria a. Pawn lam atanga han thlir ngawt chuan he lai Hall-a kan  
rorol te leh kan budget te hi ni hnih khat chhung leka in nawra

hna hi chak taka kal tura in beiseina te a awm a. Amaherawhchu pawn lama tang a sawi ngawt ai chuan dan chhunga Baptisma changa kan han awm ngathi chuan dan zawh framkim a lo tul avangte a ni fo va. Amaherawhchu, chutiang chung pawh chuan Mizoram hian hmel thar tam tak a nei hi a lawmawm hle in ka hria a kan sawi hmasa duh a ni.

Tin, Deptt. tete in ka han sawi chho ve ang a. Finance Deptt.-ah hian han tan ila. Tin, tunah Mizoram hi chuan zim hle a, amaherawhchu District pathum kan nei a. District pathum ah chuan Civil Sub-Divisiante kan nei thluah a, chung chhungah chuan Block headquarterte kan nei a, a ruhrel chu a fuh viau-in ka hria. Hna thawktute pawh hna a in hawng chho zel a, mipui te pawhin Sorkar hmun pawimawh Mizoram Sorkarin a siam atang hian hmasawna lam chungchangah pen kan lak dan tur chu a hmuh theih viauin ka hria a. Tun hmaa kan beisei phakloh Office pawimawh tak tak te pawh belh a ni zel a, a lawmawm hlein ka hria a. Finance Deptt. Organisation siam chungchangah pawh hian thil lawmawm tak niin ka hria a. Finance Minister speech-ah pawh a lang ve a, Sub-Division Headquarter-ah chuan Sub-Treasury te, tin District Headquarter te, District Treasuryte siam zel ni dawnin a lang a. Amaherawhchu helaiah hian Sorkar ten hriat tur pakhat an nei ang. Chhimituipui District-ah chuan sub-division pahnih a awm a, a thlang bef chu Chawngte a ni a. Hmasawna kawngah pawh tan lakna nasat berna a ni a. Tin, hei hi Chakma District Headquarter a ni bawk a. Kan hriat theuh angin Lawngtlai pawh hi Civil sub-headquarter a ni mai bakah sumdawna leh Chhimituipui District kawtchhuah pawimawh tak ani ve a, District Council Headquarter pawh a ni a, a piah lawkah District Headquarter Saiha a awm a. Tuna Pioneer kawngah chuan 60km chuang zet a ni a. Chuvan chuan helai sub-treasury hawnah hian he sub-division Lawngtlai hi a tel lo niin ka hria a. Lo tel ta lo pawh nise Sorkar pawhin helai hi business transaction-ah hian a pui ber a ni a. Supply chungchangah supply Kudam pawimawh tak tak an rawn dah a. Sum leh paihahian Chawngte te leh hmun dang aimahin a pawimawhna a awm ve tak tak a. Kan retailer te pawh khawthlang bial ho zawng zawng te pawhin Saiha emaw Lungleiah emaw pawisa depositte a lo ngai a. Council staff te leh S.D.O Establishment te leh heng Block lam pang hnathawktute pawisa tam tak tak, Soil Deptt. te pawhin office te an neihve avangin treasury dawr tulna pawimawh tak tak a awm a. Chuvang chuan tun budget-ah hian a lang lo nain helai pawimawh zia hi min hriat puin Sub-treasury hi chu Sorkarin min rawn ruahman sak sela ka duh hle a ni. Tin, State bank leh eng eng emaw pawhin hmasawnan tan an la chho zelin kawng an dap chho zel niin a lang a, a lawmawm hle a. Thingtlang miten a charvo chi hrang ti mai ila loan puk leh eng eng emaw thilah leh Industries thilah leh sumdawna thilah te pawh a pawimawh avangin heng State Bank lam pang thilte pawh hi sub-headquarter hmun pawimawh tak takah hi chuar hruai dan ngaihtuah ni se a tha hle in ka hria a. Chu chu kan thingtlang mite Sorkar atanga E.G.S atanga chawm ngawt te tan chuan capital, sumdawnan, ei

zawna an harsa em em a, chuvangin miten Loan te tak te te an lak ve thuai theihna dan hi ngaihtuah theih ni se a tha hlein ka ring a ni.

Tin, hei Revenue Department chungchangah hian he Department hi kan sawi thin a, Mizoramah hian harsatna tam tak a awm a. Thingtlang hmun hran hran atangin In hmun lo ram te an rawn dil a, chungah te chuan hnathawktu te kan nei tam tawk loh chuan thil tih a harsa thin a. In hmun lo ram dil chungchangah te, Huan leh Leilet pass te enkawitu tur te hian Department strength hi tha tawkin ka la hre lova. Revenue Department hi hna thawktu te kan thuam chak deuh hi thil tul tak niin ka hria a. Khawilaiah emaw a hmun en chiang si lovin an hmun lo ram te an rawn dil ang a, pek ngawt mai kha thu leh hla buai te a tam thin a, Sawrkar tan pawh a luhai thlak em em a; chuvangin tuna dinhmun aia a Staff te emaw, Officer te emaw kan thuam tam deuh chuan Sawrkar tan leh mipui te tan pawh harsatna a tlem phah zawk em emin a rinawm a, chu chu Revenue Department-ah hian ka han sawi duh bawk a.

Tin, Power lam chungchangah hian Mizoram Sawrkar chuan tan nasa takin a la niin ka hria a, lawm-awm ka ti tak tak a. 66 K.V Line hi kan in nghahna ber niin a lang a. Hei hi eng tha zawk kan hmuh theihna tur kawng pawh a ni reng a, amaherawhchu, hetah hian eng ang harsatna te nge kan la tawh dawn pawh a hriat loh avangin keimahni ram chhungah ngeia power kan neih ve theihna turin Sawrkar-in tan la se, a thain ka hria a. He laiah Collection of datta K-ladine River-ah hian provision nuai khat vel a awm a, hei harsatna lutuk te a awm lo a nih phei chuan Sawrkarin mi thiam te a rang lama ruaiin, investigation hi a ranglamin start sela, thil remchang te a lo nih chuan power te pawh keimahni ram chhungah ngei generate-in State dang te pawh kan supply theih chuan eizawna leh kawng dang dangah Industry te a that zawk dawn avangin a tul hlein ka hria a. Provision, tuna Budget-a lo langa hi investigation leh a hna start thuai thei turin tan la se tih ka han ngen duh bawk a ni.

Tin, hei P.W.D. chungchangah hian Public Works Department hi Department lian tak a ni a, State dangte dinhmun te kan han en pawhin a buarchuarin, a buai duh hle a. Sum leh pai te pawh a lo tam tham a, tin, mipui vantlangina an dawr berna hmun te a lo ni a. Mi tam takin ei hmuhna leh chhungkaw tuam hlawnna ber a nih avangin hna hi a tam em em a. A thawktute kan indaih lo tih chu mi tam hriat a ni a. Engpawhnise, tuna kan strength pangngaia

Sawrkarina kawng a take-up hi a the tawk thawkhat hle chuan ka hria. Hmun pawimawh tak tak, PWD Sub-Division-a thawktu kan la nei the hlei thei lo hi chu thil pawl tak niin ka hria. Hei, hun engemawti chhung chu ka Bialah ngei tunhma atanga Sub-Division S.D.O. awma hmun a ni a. Hman deuh atanga tun thlongin Lawngtlai chuan S.D.O. kan la nei ve thei lova. Tunah hian khawthlang- Lawngtlai atanga Chawngte Road hi Lawngtlai atanga enkawl a ni a. Engineer hnuai thawk, S.D.O. pakhat-in a kawp a, chuvang chuan he hna hi a kal chak lo em em a. Chuvangin he S.D.O. te hi chu mi pawimawh, hna pawimawh thawk a nih avangin an awma hmun turah hian englai pawha an awm hi thil dik niin a lang a, a ni lo chuan Section Officer te, Overseer tena kawng pawimawh, building pawimawh project an enkawl hi chuan hna hi a sawt lo reng reng a, chuvangin kan harsatna hi Sawrkarin an ngaih pawimawh ka duh a. Tin, thil tih harsa chu a ni ngein a rinawm a, dan engemaw formality-a rawn tur pawh a awm ngei ang. Amaherawhchu, P.W.D.-a harsatna nanem lo lo awm thin chu kawng an va lai hin emaw, mi In leh lo te an va tihchhiat-in Compensation pek te a lo tul thin a. Amaherawhchu, chu chu thil tih loh theih loh a lo ni ta a. P.W.D.-ah hian heng compensation pek chungchangah hian compensation hmu tur ten tlein harsatna an tawk thin a. Entirnan- Kawng an han lai hin, heng Mizawl-Thenzawl Road chungchangah te pawh harsatna tam tak a awm a, tin, chulovah hmun hran hranah kawng te an lai ha, an compound an tihchhiat sak compensation hmu tur ten pawisa an dawng tlai deuh thin a. Hengah pawh hian kum khat emaw hun chhunga lo khawtlai ta te hi chu a awm viau a, kum thum pumhlum chhungte pawha an han hmu thei thin lo hi chu- Sawrkarin provision a siam a, hmu thei tura ngaih te hi chu delay lutuk lova release thin ni se, mipui harsatna an chhawk zangkhai tihna a lo ni a. Tin, lehlamah chuan Sawrkarin hna a thawh chakzia an hriat theihna a lo ni leh bawkin ka ring a ni.

Hei, P.H.E. lampang hi han sawi leh ta ila - Public Health Engineering kan neih hi a lian tawk lo em em a, District leh Sub-Headquarter tea kan hnathawktu te hi an la tlem em em tih chu a chiang a. Amaherawhchu, hmun pawimawh tak takah entirnan- District Headquarter te, Sub-Headquarter te, Block Headquarterah te hian Sawrkar rawn thilah leh ei zawn chungchangah te a lo that deuh hlek thin avangin population hi kum tinin a pung chho zel a. Tin, Mizorama tui harsatna nasa em em a, India rama tui harsatna hmun a ni hial awm e. Chuvangin hetiang hmun pawimawh tak taka tui awlsam deuh theihna tur hian Sawrkar hian hna chak zawka thawh dan ngeihtuah se a dikin ka hria a. Hmun tam takah chuan hman kum, U.T. kan neih hma atanga vawin ni



thleng hian la tih zawh lohvin ala awm reng a. Tui mamawhna min phuhruk lo em em a, mipui kan lo tam zel hian tui mamawh a zual sauh sauh mai a. Ka hriat ve zawng zawng ka han sawi ang a. Lawngtlai leh Saiha-al te chuan mipui lai te hi chuan Tuikhurah tuikang nghakin an tlaivar tak meuh meuh thin a, a luhai thlak em em a. Chuvangin hetiang khaw lian deuh, hmun pawimawh, Sawrkar hmunah hi chuan ngaih pawimawh hmasakah neih thin ila, Sawrkar hnathawk te, Officer te leh an nupui fanau te, anmahni, pa te tela tuikang an nghah chuan hnathawh, Office hna han thawh te an tui thei loin hman a harsa thin a. Tuikang nghaha han tlaivar te chuan a tuka Office hna pawimawh tak tak te pawh thawh a tuiawm lohvin hna<sup>a</sup>sawt thei lo em em a, chuvangin hetiang hmun pawimawh leh tui harsatna hmun te hi chu emergency Water Scheme-in emaw ngaihtuah saka, ngaih pawimawh ni sela a tha hlein ka ring a.

SPEAKER: Hun a tawp tawh a, dar 2-ah kan tan leh ang a, chutah chuan sawina hun a la awm leh thei ang a. Awle, chawl rih ila, dar 2 p.m.-ah kan tan leh ang.

AFTERNOON - 2 P.M.

SPEAKER: Hei, ka han puang ang a. I call a meeting of the Business Advisory Committee today in my Office Chamber to review the Provisional Calendar of the Meeting of the Current Session to chalk out by the Committee on 7.3.1977. In view of the less volume of pending business for the current Session, The Committee decided to make alteration in the previous programme and recommends that Monday, the 28th March, 1977 and Tuesday, the 29th March, 1977. This allotted for discussion and voting on Demand for 1977-78. And 13th of Appropriation No.2 Bill, 1977. Wednesday, the 30th March, 1977 is allotted for private Members' Business. Now, I shall call upon the Minister i/c Parliamentary Affairs to move that the Report of the Committee be adopted.

PU LALSANGZUALA: Pu Speaker, Business Advisory Committee-  
MINISTER. ina Programme an rawn siam hi he House  
ina min pawmpui turin ka rawn move e.

**SPEAKER:** Kan pawmpui thei em ? Awle, Business Advisory Committee-ina an rawn siam hi pawmpui a ni e. Tunah General Discussion kan tan leh nghal ang a. Mi 7-in chawhma khan sawi a ni tawh a. Vawinah tuna kan programme kan han tih thar leh take kha, he discussion hi lo bei leh ila. Chuti a nih chuan dar 4-a bang tur kan ni a, dar 3½ thleng emaw kha hmang chho leh ta ila, chumi bak chu Minister koh nan hmang ta ila a tha ang. Chuvangin a sawi tur te pawhin sawi thiam, hun hman thiam tum ila a tha. Nichinah khan Pu Sapliana kha a sawi zawh hmain kan chawl ta a, ani han ti ta bik ilo, han sawi zawm leh rawh se.

**PU SAPLIANA:** Pu Speaker, hun hmasa ber min neihtir avangin ka lawm a, sawi bak tur pawh ka hre hran tawh lova, tawitein ka han sawi chho ang a.

Police Department lam tlem kan sawi chho leh ila. Kan Mizoram Police te hi an tlem avangin an indaih loin, indaih lo chung chungin duty te an perform zel a. Hei hi kan hriat angin an indaih lo nasa em em a. Police Station tam tak kan nei a, hengah te pawh hian a thawktu te hi kan la tlachham em em a, hmun tam takah S.P. te, D.S.P. te hoa khawsa tur hi vawin ni thlenga la khawsa lova awma tam tak la awm tlat niin a lang a. Bangladesh Border Area lampangah phei chuan Law & Order chungchangah leh thil chi hrang hrang Sawrkarina a ngaihven tur, heng Border area bikah te hian office D.S.P. rank emaw tal hi chu a tulin a pawimawh hlein ka hria. Tuna kan kristdan maiah chuan Mizoram atanga Police D.S.P. lak ho te pawhin an training zovin, an hna zawm turin an lo chhuak leh tawh niawmin kan lo hria a. Chuti a nih chuan Police Station pawimawh bik, Border area-ah hi chuan heng Officer pawimawh tak tak te hian han awp sela, chu chu heng kan Law & Order problem leh thil hrang hrangah hian hna nasa takin kan thawk thein ka ring a. Chuvangin hei hi Sawrkarin a tul anga action la turin ka ngen bawk a. Chuti a nih loh chuan heng Bangladesh Border area lamah phei hi chuan thil eng engemaw harsatna a awm a, rukru thil te leh eng engemaw te hi a tam a. Hman kum te phei kha chuan mihring zin veivak te tan pawh a him thlak lo em em a. Officer tha tawh mawhphur tur kan neih loh hi chuan thil tih a harsa tlat thin a. Chawngte-ah te khawi khawiah emaw nikum lamah khan thil eng engemaw a awm thin. Heng Khawpui loh hmun pawimawhah te hian a tul lo ni hauh lovin, sawng Bangladesh Border area-ah te chuan hetiang thil hi a tam em em a, chuvangin kan Sawrkarin heng Police Station te hi dah ngai se kr duh a ni.

Tin, hei Assembly-ah hian kan sawi thin a, heng Police Traffic duty te hi Uniform leh training hran hial neih ni se tih te pawhin kan sawi thin a. Mahse wawin ni thlengin chutiang chuan thil tih a la ni lovin a lang a; chuvangin heng Traffic control-tute hi State dengah te pawh an duty hi a dan deuh bik avangin an in thuanne thlengin a danglam thin a; chuvangin kan Sawrkar te pawh hian ngai pawimawhin thil ti sela a thain ka hria a. Heng Police ho zingah hian, a bik takin Radio Organisation lamah hian tunhma, Assam hun lai atanga Mizorama lo service tawh te wawin ni thlenga an hlawh leh an dinhmun eng engemawah hian thil fel lo awmin a lang a. Chungte chu kan Sawrkar te pawhin an lo hriat ve tawh ka ring a. An lo la hre lo a nih pawhin chung harsatna an hlawh, allowance eng engemaw tun State Commission-ina a lo ruat hnuah te, a hmate la dawng lote an awm a, an dinhmun, an service te hi a la chiangkung lo em em a. Option pek ni lem chuang si lova Mizorama awm si, amaherawhchu, an service in nghahna bul tak awm loh avanga Pay & allowances harsatna tam tak nei an awm bawk a. Tin, chumi bakah chuan hemi rambuai avanga Police tam tak an hna atanga chawltira, amaherawhchu re-instate leh te pawh an awmin a lang a, chung- ho te pawh chuan High Court-ah te pawh kalin an case kha clear-in re-instatement pek te an ni a. Chung ho te pawh chuan harsatna an hlawh chungchangah, re-instate an lo nih avanga midang anga arrear hmuhve tur nei ve pawhin an lang a, chungte pawh chu wawin ni thlengin kan Sawrkarin a la ching mek zel niin ka lo hria a. Chung pawh chu re-instate an nih si chuan chak zawka thil kalpuia, an arrear an hmuh tur ang te pawh tih fel sak hma ni se ka duh hle a. Chung chu Police Department bika kan Sawrkar te ka han chah ve duh te chu a ni a.

Tin, Co-operation (Co-operative) lam- pang hi kan Sawrkarin chak zawka a kalpuia avangin lawmawm hlein ka hria. Heng Aizawl-ah pheh chuan Super Market te, Co-operative Whole-Sales te hmun hran hranah a awm a, a rate te a lo hniam avangin mipui vantlang mamawh chi hrang hrangah mi a chhawk zangkhai phah em em a. Hetiang thil hi khawpui ai mahnin Thingtlang lamin an mamawh zawkna chin a awm a. Tunah service Co-operative thingtlangah an la awm ve a, chung te chu khawpuia thil lei tur awm, manto avanga harsatna nei ai khan a lei duh si lei tur awm lohna tam tak a awm a. Chuvangin thingtlang lamah hetiang Co-operative Society te hi chak zawka a kal theih nan Sawrkarin tan la se tih ka han chah leh duh bawk a.

Tin, Relief, E.G.S. chungchang hi mipui harsa, tamte chhawmdawl nana siam a ni a, amaherawhchu, mel khata Rs. 5,000/- hi mipui dinhmun leh kan ram dinhmun enin kawng laih nana mel khata Rs. 5,000/- hi a beitham ta hle niin a lang a. Khawilai hmunah emaw chuan kawng awmsa han zauh nan emaw, engemaw tan mai chuan a tawk hle a; amaherawhchu Thingtlang tak taka kawng chhuat ft.12-a zau kawng han laih tir ngat chuan mel 1-a Rs. 5,000/- hi chu eng vak a ni thei lova, khata Sawrkar-ina estimates a han siam anga an laih chuan kha E.G.S. pawisa kha an dawng thei chuang ta thin lova; chuvangin mipui tam tanpui nana he E.G.S. pawisa kan hmana hi, Jeep kawng an han laih dawn khan an harsat thin avangin mipui atangin Sawrkar duhdan anga kawng han laih kha a harsaa, a lo harsata an duh anga an tih loh khan E.G.S. pawisa an ei thei ta thin lova, chu chuan harsatna mipui zingah a thlen a. Hei pawh hi Sawrkarin en nawn se, tunah pawh mel 1 tih a ni a, km. tih ala ni lo leh cheu a. Mel khat-a Rs. 5,000/- hi chu mipui zingah harsatna a awm a, tum ang leh duh anga hna thawh theih lohna a awm a. Officer leh a endiktu te'n an scheme siam ang thlap a nih loh khan pawisa an lo pe leh thei si lova; chuvangin hemi chungchang ah hian mipui te chhawmdawlna leh inzangkha na tha zawk a awm theih non Sawrkarin review leh se a thain ka hria a.

Tin, Education lam thilah hian, tunah chuan Assam atanga indangin Secondary Education te kan nei a, kan phuisui sawt hlein ka hria. Tin, Office hnathawktu te pawh an pung tawlh tawha, thil lawmawm tak pawh niin ka ngai a. Amaherawhchu, Educationah hian ka han sawi duh chu, District Council pathum te kuta hlan chungchang hi a ni a. He House-ah ngei pawh hian ka sawi tawh thin a. Pawi, Lakher leh Chakma District Council kuta hlana hi tih makmawh a nihna chin a awm a, a tha lo ka tihna ni lovin- a bik takin Chakma Council huam chhungah hian Mizo tawng hmanga lehkha zir, Mizo tawng hmanga Pathian Biakina Inkhawm thin te leh khawlai lennaa Mizo tawng hmang thin hnam dang an awm a. Chuvangin Chakma Council area huam chhunga hetiang L.F. School, Primary Education hlan chungchangah hian Sawrkarin en ngun sela a thain ka hria. A landan takah chuan he Council hotute chuan Bengali emaw, tawng dang, Mizorama tawng ni si lo hman tumna a awm a. Chuti a nih chuan Primary Educationah prescription of language medium instruction-ah buaina a awm ta a ni. Chuvangin ngun taka thlirin eng ang medium of instruction prescribe tur nge an nih? protection ngai an awm em, eng anga kalpui chi nge an nih? tih kha kan en ngun loh chuan a ram chhungah harsatna a awm dawn a ni. Tin, chu loah chuan Government Sikul hi a awm mumal lo reng reng a. Mission Sikul, Government-ina aid-a

pekah te an ni a, khaw hnih khatah chauh Sawrkar Sikul a awm a ni a, chuvangin ngun taka en fela, chin fela a awm dan tur dik tak anga Rules leh Dan engkim siam fel thlapa he Council kuta pek a nih loh chuan Sawlai Primary Education-ah mipuiin harsatna kan nei dawn a, chu chuan Sawrkar lu a la rawn tihed dawn a ni tih vawiin niah hian ka han sawi lang duh bowk a ni.

Tin, supply lemah han kai leh ta ila. Supply & Transport hi a bik takin tuna kan dinhmunah chuan Chhim lam phei chu kan hnianghnar em em a, fakawm tak a ni a. Amaherawhchu, Supply dahna tur Kudam hi kan la neih that loh em avangin tunah hian kan buai tan hle niin a lang a. Kumin phei chu thla 15 tana buhfai stock tur niawma hriatna a awm a, chuti a nih si chuan hmun tam takah thla sawm panga tla buhfai an stock dawn chuan Kudam ngaihtuah a ngai lo thei dawn lova, tun atanga Sawrkarin Buhfai a stock-na tur Kudam hi a ngaihtuah a tul tak tak a ni.

Tin, Chhintuipui District-ah Saiha thlenga Bus a kal theih loh avangin Sawrkarin Jeep min pe a, mipui vantlangin kan chhawr hle a, kan zangkhai phah em em a, amaherawhchu, tuna harsatna kan neih taka chu, kha Transport Jeepa kha tuin nge enkawl anga, eng angin nge an enkawl ang tih a ni ta a. Supervisor a awm a, Supervisor in a enkawla, a chhia nge a tha pawh hriat loh khawpin a awm a. Tin, kha ticket man kha eng anga collect tur nge, khawia deposit tur nge tih kha saw laia kan Sawrkar aiawh lian ber, Deputy Commissioner te pawhin mumal taka hriatna a neih loh avangin harsatna tam tak kan tawk a, chu chu Sawrkarin enzui vata instruction fel tak a pek a tulin ka hria a ni. Tun Mizoram dinhmun han en hian tunhma ai chuan kawng tam takah kan changkang tawh em em a, alawmawm hlein ka hria a.

Tin, L.A.D. Lampang hi tlem kan sawi leh anga. Helai House-ah te leh Committee hrang hrangah te kan sawi tawh thin a. Mizorama District Council pathum te inthlunna hi L.A.D. a la ni a, inchu lo deuh niin hriatna kan nei thin a. Assamah te pawh khuan Local Administration Department-ah a inngat lova, Department hrangin a awm a, amaherawhchu vawiin ni thlenga he kan District Councils te hi L.A.D. enkawl na hnuaid ala awm avang hian Council lam atang pawhin harsatna a awm thin a ni. Chuvangin he Dist. Councils enkawl dan hi Sawrkarin en ngun leh deuh se thain ka ring a.

Tin, grant-in-aid pek chungchangah pawh hian Council lendan leh tet dan a zira pek ni se a tha hlein ka hre bawk a, pawisa tam tak tak pek an ni na chungin vui leh vaina a la awm theiin, a awm palh ang tih a hlauhawm a. Heng Lakher, Pawl leh Chakma District-a grant-in-aid chi hrang hrang pekna kawngah hian Council len leh tet dan ang hian pawisa hi development emaw, normal grant a ni emaw pek ni thin sela, chutiang chuan an rilru a dam deuh theiin ka ring a. Nikum lama supplementary Demand-ah te pawh Chakma chu nasa fein Lakher te ai chuan an te niin a lang a. Pawisa pekah khan nasa fein Chakma chu an tam velethung ta a. Chuvangin kan Council hotute leh mipui te pawh ina an lo hrist thiam theihna turin grant-in-aid pek chungchangah hian a Council len leh tet dan a zira pek ni thin tawh se a thain ka hria a ni.

Awle, kan Budget chungchangah hian sawi tur tam tak chu awm mahsela a tlangpuiin kan ram in enkawl chhoh zelah kum tinin pawisa a tam chho zel a. A hmendan te pawh kan thiam chho zel bawk a. Kum tina a san chhoh zel dan angin kan ram in enkawl chhoh zeldan te pawh leh kan ram kan hmasawn zeldan kawngah te pawh kumtinin ram hnel te pawh a danglam zelin kan thang chho zel niin ka hria a, a lawmawm ka ti tak tak a, chu chu ni se, ka lawm e.

SPEAKER:

Mi dang sawi duh kan la awm em? In a awm loh chuan Sawrkar lan kan ko tawh ang a. Kan Dan, procedure in financial tihah khan kan discussion tawpah khan member ho ina in rawn point out leh thil dang tul a tih kha sawi tura koh leh tur a ni a. Sawi tur in awm tawh loh chuan tunah Finance Minister kan ko tawh ang a.

PU R. THANGLIANG:  
MINISTER.

Pu Speaker, hei kum dang Budget Session ang lovin Member thenkhat chu an tui lo viau mai a. Kumina kan Budget hi nikum lam ai chuan a chhuanawm viau a. Kan Member ten an notice emaw ka hre lova. Chhimituipui District saw chu Autonomous District a nih avangin a Budget Bu-ah pawh a hranin kan siam nghe nghe a, a dang kha Vol. I & Vol. II tih a ni, Chhimituipui District chu a hrana dah a ni a.

Nikum lamah khan Supplementary Demand te nena han chhut chuan in zat dawn thuak anga lang 46 crores tling ve ve a ni a. Amaherawhchu, nikuma a tamna chu eng dang vang mah a ni law, kan Sawrkar hnathawkte

pay & allowances arrear kham a ti tam a. Kuminah erawh chuan khatiang kha tam vak a ngai ta lova. Chuvang chuan nikum Budget kha a pung chho ta a ni a. Tin, chu lovah kumin kum kal mekah hian B.R.T.F. lamah hian a sang viau mai a. Keimahni Budget bing rau rauah chuan nikum ain sang hlei tak a ni a, kan hriat thiam lehzualna atan chuan nikuma Plan Budget kha 11 crores leh tlem a ni a, kuminah erawh chuan 18 crores aia tam a ni tawh a. Chuvangin Plan-Budget-ah ringawt pawh 7 crores-in kan pung ta tihna a lo ni a. A pumpui thuah a Budget hi nikum ai chuan sang tak a ni. Non-Plan lamah pawh nikum lam ain 4 or 5 %-in a pung bawh a. Amaherawhchu, arrears, pay & allowances-ah angmah a awm ve loh avangin nikum lam Budget nen inang thuak mahse, kumin Budget chu a sang zawk tihna a ni a.

Tin, hei Member ten thil pawirawh tak tak, thurawn te, a then chu a dik lo tia sawina te a awm a. Kan Opposition lam thil sawi te kha ka rilru lut bik deuh thil tlem a awm a. Sawhthing Loan tih hi han sawifiah deuh ka duh a, thingtlang mi ten an hrethiam lo deuh niin ka hria a. Sawrkarin a rate ngaia lo lak sak turin a in commit loin ka ring a. Nikumah quintal-ah Rs. 125/-in a puk duh te ten Sawrkarin nuai 9 dawn lai a puktir a, chu chu a Sawhthing chin a pe a ni mai thei a. Amaherawhchu, kuminah erawh chuan chutiangin Sawrkarin a la leh thei lova, a chhan chu a market a that loh vang a ni a. Keini Mizoram Sawhthing hi a tha pawl a ni zawk a. Manipurah te phei chuan hralhna nei lovin tam tak an dah zawk a. Keini erawh chu mipuiin an hralh meka, helaja bucipui tute kan Co-operative Society erawh chu duhthusamin an chak tawh lo a ni mai thei a. Nikum lam ain a rate erawh chu a hniam zawk a. Amaherawhchu, an pawisa puk in terms of Ginger-a an lak erawh kha chu a ngai tho a ni. Nikumah miin quintal 2 a puk chuan Rs. 250/-a puk tihna a ni a. Kuminah hian Rs 250 chu a rulh tur a ni mai a. Engpawh chu lo ni sela, a puktu te hi an rethei tawh tawh chu ka ring hauh lova, miin quintal 4 emaw an puk chuan an lo chin a an hlawkna te nen a man tlawm zawk pawhin Sawrkarin lo la ta sela an la hlawk zawk tho ang tih erawh chu thil chiangsa niin ka ring a, chulaiah chuan han hriatthiam loh chi pawh niin ka hre lova. Pawisa a pek hian a ni lo zawnga hman hi a awm thin tih hi Sawrkarin a hriat avangin a theih chinah a chi-in a puktir a ni mai a. Kuminah pawh Sawrkarin 25 nuai lai sawhthing vel atan a puktir leh dawn a. Chu pawh chu kumina Sawhthing rate-in a chin a puk tir leh mai ang a.

Nakumah quintalah Rs. 125/- emaw lo hralh ta sela, a hlawk deuh ema kan la tam tur a ni quintal khat (one) bawkin in la leh tur a ni tihna a awm chuvingin ka ring lova. Quintal khat mah ang zia zel khan kuminah Rs. 90/- ami quintal 4 emaw a puktir chuan nakumah quintal 4 mah leh interest a la mai anga, chuvangin a kumtin rate anga tih theih chi niin ka ring lova, hei hi kan Member te leh mipui te pawhin hriat a tha ang a.

Tin, chulo lehah thil pawimawh dang chu - Kan Opposition lam khan inthlan dawna pawisa pawngpaw theh darha Sawrkar Department hrang hrang commitment te pek theih tak loh anga an sawi kha a dik hauh lova. Vawiin thleng hian terrace laihna engilo te chu Department-in a pe thei em em a ni. An Department chhunga technical lam thila harsatna a awm loh chuan engmah harsatna dang a awm lova, kumin kum tawp hmaa an clear hman lo a nih pawhin Budget te chu inzawm zel a ni a, April thla, May thlaa pek chhoh zel theih a ni a.

Tin, hei khawkhawm vel hi han sawi chho leh ila. Hei hi kan buaipui viaw a, a chhan chu Central Sawrkar lamin an lo khawm tawh, mahni khaw hlui lama anmahni risk-in an han kal leh a, khaw hmun nghet anga Village Council te va pek kha remchang loa an la hriat avangin keini lam helala mi tan pawh development thil hrang hrangah tanpui a lo rem lohna chin a awma, an khawngaihthlak em em a, kan hre theuh a. Amaherawhchu, tun hnai atang khan hemi peace-talk te a kal chhoh zel beiseina te a awm avangin Central lam hotute leh hemi kan Lt. Governor ngei pawhin khaw pawimawh deuh leh tun hnu zela khaw nghet ruot zela chu, khaw nghet treatment pawh chu pe ta zel ila an tih avangin Primary Sikul atan te, Tuikhur siamna E.G.S. te leh an inhlawhna EGS te chu kum tawpa Department hran hranin an surrender tur a kha sawhkhawm a ni a, chung vel atan chuan nuai engemawti chu hman a ni reng a ni. Amaherawhchu, Election Campaign atana hmana vote lei ang zia zanga hmanna a awm hauh lova. Kan Minister te an zinna apiangah an lo dila an lo in commit a nih pawhin Congress emaw, P.C. emaw, Union emaw tih awm hauh lovin khawtlang, mi zawng zawng tana tih sak a ni vek a, chuvangin vote zawn ~~hauh~~ zu ngaih ang vel chu a dik ka ring hauh lova.

Tin, pakhat leh, kan Member ten an sawi ka hriatreng chu- Zu thu a ni a. Hemi kan Excise Law kan pass tak kha harsatna a awma, a chhan chu Zu tia han lam hian kan Mizo Zu te kha awnzia rawn nei tho si, tin, a lehlamah chuan, hei Sap Zu kan tih te a awm a. Khang ang vel kha definition



khatah kan dah a. Kha kha Sawrkarin ngun taka a han thlirin harsatna lutuk, Sawrkar: pawhin tih ngaihna a hriat loh chi awm thei dawnin a lang deuh hleka, chuvangin revise leh mek a ni a. Amaherawhchu, a Law pawh kha Central lam remtihnaa siam a nih avangin Central lam remtihna baw lo chuan amend ngawt theih a lo ni leh lova, a kawng a kawlin vawlin ni thlenga kan la tihpuitlin theih loh chu a ni reng a ni.

Tin, helaiiah kan local Zu zuar te kan hrem a niawma, a dik pawh a awmin ka ring, amaherawhchu, a dik chiah chuan kan Dan angin kan cam out thei lova. A buaithlak viaua, In hmun cancelled tih te pawh hi an In hmun Pass-na hnunglam theuh kha en sela, Zu zawrhna e nih chuan cancell theih tih kha a in ziak vek reng a ni. Chuvangin an hman tur anga an hman tak loah Sawrkarin action pawh lo la sela an intiamna leh pass peknaa a condition a ni ve reng renga.

Tin, Zu khapna Dan hi tunah Sawrkarin hman a nei ngawt lova, amaherawhchu, kawtlaiia zu rui leh buaina siam chi hi erawh chu Police Act-in hrem an ni mai a. Chu bakah tualchhung theuhah hian Y.M.A. te, V.D.P. te tang-rualin mahni veng huam chhungah Zu hi an lo huat theuh avangin lo inzilh tlang te chu a awm ve ang, amaherawhchu, kha kha Sawrkarin a hriatpui vek hauh lova, chu chu thil kaldan tlangpui chu a ni. Kan Minister dang dang ten sawina hun an nehloh avangin an chan chu engmah sawipui ka tum lova. Vewiin hian Budget chu hei, kan hretlanga, sawi tawh ang khan kum dang ai chuan tha tak a ni. Plan Scheme lamah kan sanga, Non-Plan lam hi chu Salary & Allowances hi a ni mai a. P.W.D. lama Housing tih te hi a ni leh mai a. Nikum ai chuan a tha viau a ni. Awle, Demand hrang hrangah kan Minister te leh Member te pawhin sawina an la nei tho dawna, chu chu ni mai se.

Ka.lawm e.

**SPEAKER:** Hun kan la nei bawka, Sawrkar lam atangin sawi duh nei in awm em ?

**PU H. THANSANGA:** Pu Speaker, hun ala awm tak siah chuan  
**MINISTER.** tlem ka han sawi ve ang a. Tuna kan Finance Minister zahawm takina a sawi kha a tawh viau a, mahse a Department thil bik tawite han sawi ve ila.

Public Works Department kawng laiha zawh nghal zel ni se, tih kha Member zahawm tak Pu Lalkunga khan a sawi a. Hei hi a tul renga, kawng kan han laiha, formation cutting kan ti a, formation cutting hi a bul tanna chauh a ni mai a. Hemi thuah hian tih tur a tam mai a. Hemi ti tur chuan a khawl lampang- Mechanical Division lam kha tih pui-tlin hle a ngai a ni. A Division tak tak a hrangin kan la din thei lova, tunah hian ngaihtuah mek a ni a. 4 mi turte tihfel mek a ni a, chung hunah chuan a hmanrua tura kha han ngaihtuah sela, Road Roller te, StoneCrasher te, chutiang chi hmanraw dang dang pawh a awma, chung chu ngaihtuah hmasak loh chuan engmah kan ti thei lova, chu chu a dinhmun a ni a, kan hmanraw neihin a tlin rih loh vang a ni.

Tin, Inland Water Transport kha an ngai pawimawh hle bawk a. Hei hi a pawimawh hle reng a, Khawl tel lova a kara kr mai hek hauh lo a ni a, mihring thaa thil tam tak tawhve theihna chi a ni a. Tin, a lui kama hi thlai chin nan a lo romchang viau mai a. Chuvangin Mizorama kan lui tlemte kan neih hi chu siam theih chi na na na hi chu siam a tha hlein ka ring a. Tlang rama awm kan nih avanga tlang chhipa awm reng mai hi hmasawn tak tak kan tum chuan a tha kher lovang a. Lui ruam vela nunsu te nena kan awm rap hunah hian hma kan sawn awm mange aw tiin ka ngaihtuah thin a. Inland Water Transport hi tih that a tul hle a ni. Chu chu a sawi ang khan kumina kan harsatna chu a ni.  
(continued speech could not be recorded due to power failure).

PU CH.SAPRAWNGA: (Speech not recorded due to power failure).  
MINISTER.

SPEAKER: Awle, tunah dar 3:05 p.m. a ni a, vawiin atan chuan kan chawl tawh ang a. Naktuk dar 10:30 a.m.-ah kan chhonzawm leh ang.

Meeting adjourned at 3:05 p.m.

D.C. PANDE  
SECRETARY.

hvlc/-  
5111977.

...000...